

Pol da Rom Amin do Papia Mandagit

But piso gen

Pol da papia on mandagit, nido Pol kin kokup pap Rom unudon panmuwukbi egipgwit unun pindat do nandagit. Unudon bisap pisipmisok egek don Spen miktimon kin Gen Bin Tagisi yan tenjenok do nandagit. Do mibiltok on papia nan kalip yipban kigit. On papiagwan Pol da Kristo dakon Gen Bin Tagisi do pakyanji yan tenjenosok, ae Yesu yolyol amin da ni anpak ban ani unun do yosok.

Mibiltok Pol da gildat tagi yan yoyinjek ae Pinjkop da Rom panmuwukbi panpulugosak do bisit pi asak unun do yoyigit. Anek papia on mandagit dakon mibili yan yagit, “Nandan gadat agak kosiron dagin Pinjkop da dabilon minat aminyo kilegi dago-man” (1.17). Pol da yan yosok, Juda amin bo ae Amin Nwakanwari Kabi kisi yokwi pakpak gin. Do Pinjkop da nandan yawok yominjek yokwikon ban timitjak kosit unun kalonjisi kind a gin. Amin kind a Yesu Kristo nandan gadan imjak amin Pinjkop da yokwikon nan abidokdisak, anakwan unun amin Pinjkop dakon notnisi dagokdisak, ae Yesu Kristo dakon sami ae padik padikyo dagokdisak.

Pinjkop da amin kind a yokwikon nan abidosak kan, egip egipni kalugisak. Pinjkop unun gat egakwan Wupni unun aminon tugosok. Do yokwi ae kimot da unun amin abin yipjak dakon tapmimni minisi. Kilapmi 5 mon da 8 ron Pol da gen

teban dakon mibili yosok, ae Telagi Wup dakon tapmimni Yesu nandan gadan iman aminon pi asak unun do yosok.

Kilapmi 9 non da 11 non Pol da jigini madep kinda do yosok. Pol iyi Juda amin kabikon nani kinda. Juda amin unun kalip Pin kop da iyi do manjigit. Mani Juda minat aminyo morapmi da Yesu manji ingwit. Amin Nwakwari Kabi morapmi da Yesu dakon pandetni dagawit, mani Juda amin dima. Pol da yan yosok, Gulusun unun Juda amin iyi dakon. Pin kop da yo madep unun iyikon ak do nandagit unun dima kanba pisagit. Mani Pol da Juda minat amin kabi Yesu dakon minat amin kabikon don abin sanbekdan yan nandagit.

Gen mibi do Pol da panmuwukbi ni anpak ban ani unun do yosok. Pol da amin do but dasi galak tan yomyom anpak ani unun do morapmisi yosok. Ae Pin kop dakon pi agak dakon anpak do yosok, ae gapman da yongamgwan egip egip, ae amin panpulugok anpak gat do yosok.

*Nandan gadat kosiron dagan Pin kop da dabilon
amin kilegisi aman
(Kilapmi 1-4)*

Pol da yabekbi pini do yosok

¹ Nak Pol, Yesu Kristo dakon oman monji da papia on mandisat. Unun da nak yabekbi pi aben do yan namgut, ae Pin kop dakon Gen Bin Tagisi yan tenjenok aben do manjin nepgut.

² Kalip Piŋkop da Gen Bin Tagisi unun do yan teban tok aban kombi amin da gen unun Piŋkop da telagi papiakon mandawit.

³ Gen Bin Tagisi unun da Monji do yosok. Unun amin daganek Kila Amin Madep Dewit da kabikon da altagit.

⁴ Ae Piŋkop da kimoron nan aban pidagit bisapmon Telagi Wup da Amin Taginin Yesu Kristo unun Piŋkop dakon Monji tapmim madepni tan imisak yansi noligit.

⁵ Yesu da pi agit do anek Piŋkop da nin do yo tagisi an niminek yabekbi pi anen do yan mudan nimgut. Nin da yan yomno Amin Nwaknwari Kabikon amin morap Yesu nandan gadan iminek geni guramigakwa man madep pasak do anek nin manjin nimgut.

⁶ Jiyo kisi yan ilit nandanek Yesu Kristo da kabikon sanbewit.

⁷ Rom amin, Piŋkop da ji do but dasi galak tan daminek iyi dakon amin kabi ani do yan damgut. Nak on papia ji do mandan damisat.

Piŋkop Datnin ae Amin Tagi Yesu Kristo dakon nandan yawotni gat ae but yawotni gat jikon tosak do bisit asat.

Pol Rom amin pindat do nandagit

⁸ Nak mibiltok yan dayisat. Miktimi miktimi amin morap da ji dakon nandan gadat do madepsi yon, do ji do nandanek Yesu Kristo da manon Piŋkop ya yansi iyisat.

⁹ Piŋkop iyi nandisak, bisapmi bisapmi ji do nandanek bisit asat. Nak Piŋkop Monji dakon Gen

Bin Tagisi yan tenjenok asat unun but dasi nandan kimagek asat.

¹⁰ Nak bisit yan iyisat, jikon apben do nandisak kan, kosit kinda yipman naban jikon tagi apben.

¹¹ Nak ji dandak do galagisi nandisat, nido wupji dakon yo tagisi di dabo panek tebaisi atni do nandisat.

¹² Nandak nandakno yan tosok, ji dakon nandan gadat da nak anteban anakwan nak dakon nandan gadat da ji panjeban asak.

¹³ Not kabi yanji nandani, nak bisap morapmi jikon ap do nandagim. Nido Amin Nwakwari Kabikon pi abo nandan gadat awit unuden gin jikon ak do nandisat. Mani bisap morapmi yo diwari da kosit sopman nama.

¹⁴ Pinjok da pi namgut unun Grik amin, ae Grik amin dima, ae nandan kokwini kilegi amin, gat ae nandan kokwini tagi dima amin, unun kisi panpulgoken do pi namgut. Unun aminon pi dima aben kan, gomano ton yan asak.

¹⁵ Yan do anek Rom amin jiyo kisikon Gen Bin Tagisi yan tenjenoken do galagi madepsi nandisat.

Gen Bin Tagisi unun Pinjok dakon tapmimni

¹⁶ Nak Gen Bin Tagisi unun do dima mayak tosot. Nido, unun gen kagagwan Pinjok dakon tapmimni tosok, do unun gen da amin morap nandan gadat an unun yokwikon ban timikdak. Mibiltok Juda amin timikdak, ae Amin Nwakwari Kabiyu kisi timikdak.

1:10: Ya 19.21; Ro 15.23

1:13: Ya 19.21

1:16: Mk 8.38; Ya

13.46; 1Ko 1.18-24

17 Piŋkop nianjon da amin kilegi yan niyisak unun do Gen Bin Tagisi da nolisak. Nin nandan gadat anapno unun do anek Piŋkop da amin kilegi yan niyisak. Wasok wasok unun nandan gadat, ae wasipyo kisi unun nandan gadat kalongin. Gen kinda Piŋkop da papiakon tosok unun do yosok. “Amin kilegi unun nandan gadat anek egipdan.”

Amin kisi morap da Piŋkop manji imgwit

18 Piŋkop Kwen Kokup da anpaknin kokwin anek butjapni nolisak. Unun da amin morap manji iminek anpak yokwi an amin unun do butjap madepsi nandan yomisak. Unun amin da anpak yokwi anek gen bami witjinba ton.

19 Unun amin Piŋkop dakon mibili kili nandawit, nido Piŋkop da iyi kili yoligit.

20 Piŋkop da yo morap wasagiron da win abisok ekwamanjon unun yo morap pindagek Piŋkop dakon mibilni pasili ton unun nomansi pindakgan. Piŋkop dakon egip egip nianensi, ae tapmimni tok-togisi tosok unun pindakgan, do amin kinda da nak Piŋkop dima nandan imisat yan yogogi minisi.

21 Asi, Piŋkop nandan imgwit, mani unun Piŋkopsi yan nandanek mani ankisinek ya yan iyik do dima nandawit. Nandak nandakni upbal tawit, ae nandan kokwini tagi dima anakwa butni pilin tuk awit.

22 Nin nandan kokwini tagi yan yawit, mani nandan kokwini tagi dima amin dagawit.

²³ Unjun da Pinjkop tilimni tonj egip egip teban egisak unjun manji iminek dima gawak imgwit. Yum kanjek amin egi kimak kimak aman unjun dakon wupmi gat, ae minam, ae bit kilapyo gat, ae birombak mibili mibili dakon wupmi wasanjek gawak yomgwit.

Minjat aminyo da anpak yokwi mibili mibili awit

²⁴ Yanj awit do Pinjkop da yum pindagakwan yokwi dakon galaktok yolek notni da giptimon yumabi anpak inanis anj anj awit.

²⁵ Unjun amin da Pinjkop dakon gen bami yipmanjek top gen banj yolgwit. Anjek Pinjkop yo morap wasagit unjun manji iminek yo morap wasagit unjun banj gawak yominek omani anyomgwit. Mani Pinjkop yo morap wasagit unjun nanjin toktogisi anjkinj kimori. Unjun asi.

²⁶ Unjun Pinjkop manji imgwit, do Pinjkop da yum pindagakwan anpak mayak mayagi ak do but kindap pawit. Anjek minjat da minjat eyo dakon anpak yipmanjek minjat notni gat anpak yokwisi awit.

²⁷ Ae wiliyo kisi minjat eyo anpak yipmanjek wili notni gat anpak dima agagi ak do but kindap madepsi pawit. Anjek anpak yokwisi awit unjun da aripmon kobogi do yo yokwisi timikgwit.

²⁸ Pinjkop egisak yanj nandawit, mani manji iminakwa Pinjkop da yum pindagakwan iyi dakon nandak nandak yokwini yolgwit. Anjek anpak yokwi dima agagi awit.

²⁹ Unjun anpak yokwi mibili mibili anjek, wagat wagat, ae nandaba yokwi tok, ae pindak galaktok,

ae amin dapba kimot dakon anpak, ae emat, ae top gen, ae gwayen yok unun aminon tugosok.

³⁰ Ae amin panupbal ak do gen yokwi yon, ae Pin kop do nandaba yokwi tok an, ae butjapmon da gen pap yon, ae pibit tidok an. Ae anpak yokwi kalugi panalon an, ae men datyo dakon gen dima guramikgan.

³¹ Unun nandak nandakni tagi mini, ae iyi dakon yan teban tok geni yapmangan, ae bupmini mini, ae diwari yopyop anpak dima an nandan.

³² Pin kop dakon gen teban kilegi da anpak yokwi unuden an amin si kimotni do yosok unun nandan, mani yum kanek unun anpak yokwi morap sigin an. Ae unun gin dima, amin diwari da unun anpak yokwi anakwa si jonikgan.

2

Pin kop da amin dakon anpakni kokwin kilegisi asak

¹ Ji amin suganek anpakni kokwin an amin yan dayisat, ji disi do sun kinda dima agiman yan yogogi mini. Ji amin suganek anpakni kokwin an bisapmon, unun disiyu kisi do yon. Nido, anpak yokwi an unun disiyu kisi yan gin an.

² Nin nandaman, Pin kop da unuden amin kokwinigek kobogi yokwisi yomisak, unun kokwin kilegikon da asak.

³ Gak amin suganek anpakni kokwin asal, mani gagayo kisi anpak yokwi yan gin asal. Gak Pin kop da gen yan gaban tagi pulugan kiken yan nandisal, ma?

⁴ Piŋkop da anpak yaworisi angaminek kobogi tepmi dima gaminek gak do jomjom anegisak unun do nandabi yo isali asak, ma? Gak da but tobil abi do anek anpak yaworisi angamisak. Gak unun dima nandisal, ma?

⁵ Mani, gak but teban anek but tobil ak do dima nandisal. Yan anek Piŋkop da kobogi yo yokwisi angamdisak dakon yo gaga madepsi panmuwuk kakwasal. Ae Piŋkop da minat aminyo gen kokwini kilegisi anyomdisak bisap madepmon butjap madepni anjalon anakwan gak kobogi yokwisi timitdisal.

⁶ Piŋkop da
 “amin kalon kalon anpak awit da aripmon kobogi yomin yomin akdisak.”

⁷ Amin diwari anpak kilegisi ak do pi madepsi an kimagek Piŋkop gat Kwen Kokupmon tagisi egek man madep gat tilimni gat ae egip egip teban timit do wusik wusik an. Piŋkop da unun amin do egip egip dagok dagogi mini yomdisak.

⁸ Mani, amin diwari iyi dogin nandanek gen bami manji iminek anpak yokwisi an amin unun Piŋkop dakon butjapni abidokdan.

⁹ Amin morap anpak yokwi an unun jigi tepmiyo madepsi pakdan. Mibiltok Juda amin da paba Amin Nwaknwaru Kabi kisi da pakdan.

¹⁰ Mani, amin morap anpak kilegi an unun tilim gat ae man madep gat ae but yawot gat timitdan. Mibiltok Juda amin da timikba Amin Nwaknwaru Kabi kisi da timitdan.

11 Nido Piŋkop da miŋat amin morap tilak kalonikon gin kokwin asak.

12 Amin Nwakuwari Kabi Piŋkop dakon gen teban dima abidawit, mani yokwi aba Piŋkop da kobogi do yo yokwisi an yomdisak. Ae Juda amin da gen tebani abidawit, do yokwi aba gen tebani unun yolek gen yan yomdisak.

13 Nido, gen teban isal dogin nandan amin unun Piŋkop da dabilon amin kilegi dima. Gen tebani guramigan amin banjin Piŋkop da amin kilegi yan yoyisak.

14 Amin Nwakuwari Kabi unun Piŋkop dakon gen tebani dima abidawit, mani diwari iyi da nandak nandagon da gen teban guramigan. Piŋkop dakon gen teban dima abidawit, mani butnikon da anpak yokwi tagiyo iyi kokwinigan.

15 Unun da yan nolisak, Piŋkop dakon gen teban butnikon kili mandabi. Ae Piŋkop dakon galak tok nandan, do bisap diwarikon butnikon da sun aman yan nandan, ae bisap diwarikon tagi aman yan nandan.

16 Bisap kind a pdisak, unun bisapmon Piŋkop da Yesu Kristo obakon da amin morap kisi dakon anpak pasilikon da awit unun kokwin akdisak. Gen Bin Tagisi yan tenen osot unun da unun do yosok.

Juda amin gen teban da panpulugosak yan nandan

17 Juda amin ji yan nandan, Piŋkop da gen tebani nin do nimgut, do nin do tagisi nandisak. Ae ji disi dakon man pawigek, “Nin Piŋkop dakon notnisi ekwaman” yan yon.

¹⁸ Ji Pinjkop dakon galaktok nandan. Ji gen teban dakon nandak nandak morapmi kili pawit, do anpak kilegi unun tagisi yan yon.

¹⁹⁻²⁰ Ji yansi nandan teban ton, “Gen tebanon nandak nandak tagisi morap gat ae gen bami gat timikgaman, do nin amin dabili mini dakon kosit yolik amin, ae pilin tukgwan ekwan amin dakon tenjenini. Nin nandan kokwini tagi dima amin gat ae minat monjiyo kisi dakon yoyindetni” yan nandan teban ton.

²¹ Asi, ji amin morapmi yoyin dekan, mani mibili nido ji disi ban yoyindet dima an? Amin kabo dima noni do yoyan, mani ji disi kabo dima bo non?

²² Ji “Yumabi anpak dima ani” yan yon. Mani disi yumabi anpak dima bo an? Ae ji kokup kidat gawak yomyom do dimasi agagi yan yon, mani Amin Nwakjwari Kabi dakon kokup kidat gawak yomyom yutnon yoni kabo dima bo timikgan?

²³ Ji disi dakon man pawigek, “Nin Pinjkop dakon gen teban pakyanji nandaman” yan yon. Mani ji disi gen teban kirijigek Pinjkop dakon man abin yipmanjan.

²⁴ Pinjkop dakon papia da unun anpak do yan yosok:

“Juda amin ji da anpak yokwi an do anek Amin Nwakjwari Kabi da Pinjkop dakon man abin yipmanjek jigilak gen yan iman.”

Giptim mandak dakon anpak bamisi

²⁵ Asi, gak gen teban guramikgi kan, giptim mandak anpak unun da anpak tagisi asak. Mani gen

teban kirinɪɪdal kaŋ, gak giptimgo dima mandabi Amin Nwakuwari Kabi yombem dagosol.

²⁶ Ae amin kinda giptimi dima mandabi da gen teban guramikdak kaŋ, unun amin giptimi mandabi yombem.

²⁷ Asi, Juda amin ji Pinƙop dakon gen teban abidawit, ae amin da giptimji mandawit. Mani ji gen teban kirinɪkgaŋ kaŋ, Amin Nwakuwari Kabi dakon anpak tagi da Juda amin ji amin yokwi yaŋ dolikdisak, nido iyi giptim mandak dima an mani gen teban guramikgaŋ.

²⁸ Juda aminon da altanɓi da Juda amin bamisi dima asak. Ae giptim mandak anpak unun kwen giptim dakon yogin dima.

²⁹ Amin kinda Pinƙop da butni kaŋban tagisi asak unun amin Juda amin bamisi. Giptim mandak dakon anpak bamisi unun Pinƙop dakon gen teban guramit anpak da dima analon asak, Pinƙop dakon Wup da amin buron analon asak. Unun amin amin da mani dima awikwan, Pinƙop da mani awigisak.

3

Anpak yokwi da anpak tagi aripmi dima abin yipjak

¹ Do gak Juda amin kinda kaŋ, unun da nianon da gak anpulugosak? Ae giptim mandak dakon anpak unun da Juda amin tagi panpulugosok, bo dima?

² Unun da madepsi panpulugosok. Pinƙop da Juda amin do yo tagi mibili mibili yomgut. Mibiltok unun da geni kila ani do yomgut.

³ Asi, diwari da geni dima guramikgwit. Yan awit do Pin kop da yan teban tok agit unun tagi kirijitjak?

⁴ Unun dimasi! Asi, amin morap top amin gin, mani Pin kop kalon gin bami yogok amin. Unun do Pin kop gen papia da yan yosok:

“Pin kop gak anpak kilegikon da gen yan namisal.
Ae gen pikon gepni kan teban tokdisal.”

⁵⁻⁶ Nin dakon anpak yokwinin da Pin kop dakon anpak kilegisi nomansi antenten asak kan nian yonen? Pin kop da yokwinin dakon kobogi niban sun asal yan tagi iyinen? Unun dimasi! Unun amin dakon nandak nandak gin. Pin kop bisapmi bisapmi anpak kilegikon da pi dima asak kan, nianon da minat amin morapyo kokwin akdisak?

⁷ Amin diwari da yan yon, “Nak dakon top geno da Pin kop dakon geni bamisi antenten anek man madepni awigisak kan, nianon da amin yokwi yan nayinek kobogi yokwi namisak?”

⁸ Ae amin diwari da gen yokwi yan yon, “Kili anpak yokwi anapno unudon da anpak tagi noman tanban.” Amin diwari da yanba yokwi tok an naminek gen yokwi unuden nak da yosot yan yon. Pin kop da kokwin agakni kilegikon da unun amin kobogi yokwisi yomdisak.

Amin kinda da anpak kilegi kinda dima asak

⁹ Do nian? Juda amin nin da amin diwari yapmanagaman? Unun dimasi! Nak kili dolit, Juda amin gat ae Amin Nwakwari Kabi gat nin kisi yokwi dakon tapmin da nin tebai wamandak.

- 10 Uņun do Piņkop gen papia da yaņ yosok:
 “Amin kilegi kinda dima egisak. Minisi.
- 11 Nandak nandakni tagisi amin mini.
 Kinda da Piņkop wisin kok do pi dima asak.
- 12 Amin kisi morap Piņkop manji iminek yokwi
 tawit.
 Kinda da anpak tagi kinda dimasi asak.”
- 13 “Gen kagani uņun kimakbi tamo yombem.
 Top gen morapmi yoņ.”
 “Tuņon amin dakon pakbi emari toņ gen dulum-
 nikon da moņ.”
- 14 “Bisapmi bisapmi amin jobit yominek pantasik
 ak do gen yoņ.”
- 15 “Uņun tepmisi amin dapba kimotni do kwan.
- 16 Uņun dukwan dukwan amin paņupbal anek jigi
 yom do akwan.
- 17 Amin gat but kalon egip egip dakon mibili dimasi
 nandan.”
- 18 “Uņun Piņkop do dimasi pasolgon.”
- 19 Nin nandan, gen morap gen tebanon toņ
 uņun amin morap gen teban da yongamgwan ek-
 wan uņun da guramitni do toņ. Do amin kinda da
 “nak amin kilegi” yaņ aripmi dimasi yosak. Nin
 kisi morap miktimon ekwaman Piņkop da dabilon
 diwarinin toņ.
- 20 Do gen teban guramit kosiron da amin kinda
 Piņkop da dabilon kilegisi dima egisak. Dimasi!
 Gen teban da nin diwarinin toņ yaņ nolisak, uņun
 gin.

Kristo nandan gadan iman amin uņun amin kilegi

21 Mani abisok Pinjkop da ni kosiron da amin kilegi yan niyisak unun nolisak. Unun gen teban guramit kosiron da dima. Moses dakon gen teban gat ae kombi amin dakon papia gat da nianon da kilek tonej unun do yanjkwok kili awit.

22 Minjat amin morapyo Yesu Kristo nandan gadanj iman unun Pinjkop da amin kilegisi yan yoyisak. Kosit njwakjwari kinda dima tosok. Amin morap Pinjkop da dabilon arip gin.

23 Nido nin kisi morap yokwi agiman, ae Pinjkop gat Kwen Kokup aripmi dima egipmi.

24 Mani Pinjkop da nin do nandan yawok niminek minjat aminyo kilegi yan niyisak. Unun Yesu Kristo da nin yuman nan nipgut do anek yan niyisak.

25 Pinjkop da Yesu kimagek yawini da minjat amin morapyo nandan gadanj imni unun dakon yokwini wiriritjak do manjigit. Unun agit da gen kokwin agakni unun kilegisi yan nolisak. Nido kalip minjat aminyo yokwi aba yo yawori an yominek kobogi tepmi dima yomgut.

26 Ae abisok bisapmon iyi kokwin agakni unun kilegisi yan nolik do amin morap Yesu nandan gadanj iman unun amin kilegi yan yoyisak.

27 Do gen teban yolek unun kosiron da nin amin kilegi dima aman. Pi kinda anek dima, nandan gadat kosiron dagin amin kilegi aman, do amin kinda da iyi do dima nandaban wigisak.

28 Nido nin nandaman, nandan gadat kosiron dagin amin kilegi aman. Gen teban yolyol kosiron da dima.

29 Pinjkop unun Juda amin dakon Pinjkop gin?

Uñun dimasi. Uñun Amin Nwankwari Kabi kisi dakon Pinƙopni.

³⁰ Nido Pinƙop uñun kalonji kindagin egisak, ae nandan gadat kosiron da Juda amin giptimi mandabi ae Amin Nwankwari Kabi giptimi dima mandabi uñun kisi nandan gadan iminakwa timikdak.

³¹ Do nandan gadat anek gen teban yum konen? Uñun dimasi. Nin nandan gadat bamisi anek gen teban jonikgaman.

4

Abraham da nandan gadat aban Pinƙop da amin kilegi yan iyigit

¹ Yan do nin babiknin Abraham do nian yonen?

² Abraham anpak kilegi gin anek uñun kosiron da kilegi man pagit tam iyi mani tagi awikwan. Mani Pinƙop da dabilon uñun kosiron da kilegi man dima pagit.

³ Pinƙop gen papia da uñun do nian yosok? Yan yosok:

“Abraham Pinƙop dakon gen do nandan gadat aban amin kilegi yan iyigit.”

⁴ Amin pi anek tomni timikgan uñun do but galak dakon yo yan dima yoman. Uñun tomni timikgan yan yoman.

⁵ Mani amin kinda pi dima anek nandan gadat asak uñun amin Pinƙop yokwi pakpak kokwin anek kilegi man yomisak uñun da dabilon kilek tosok.

⁶ Dewit kisi da uñun do yagit. Amin anpak tagi ak do pi madep dima an uñun Pinƙop da dabilon amin

kilegi dagon, ae unun da kisik kisik tagi ani unun do yagit.

⁷ Dewit da yan yagit:

“Amin Pin kop dakon gen tebani yapba gulusunni unun yopman yominjek diwarini wiririkdak unun amin kisik kisik ekwan.

⁸ Amin kind a yokwi aban Amin Tagi da kobogi im do sanbenek dima nandisak unun amin kisik kisik ekwan.”

⁹ Ji nian nandan? Juda amin giptimni mandabi unun dagin gisami ton ekwan? Bo Amin Nwakanwari Kabi giptimi dima mandabi unun kisi da gisami ton ekwan? Kisi bamot gisami ton ekwan. Nin yan yoman, Abraham nandan gadat aban Pin kop da amin kilegi yan iyigit.

¹⁰ Abraham nian aban Pin kop da amin kilegi yan iyigit? Giptimni mandagit bo don mandagi? Unun giptimni dima mandanakwan Pin kop da amin kilegi yan iyigit.

¹¹ Giptimni dima mandanek nandan gadat anakwan Pin kop da amin kilegi yan iyigit. Anek don Abraham unun amin kilegi kind a yan dakon tilak do giptim mandak dakon anpak ingut. Yando, Abraham unun amin morap giptim dima mandanek Pin kop nandan gadan iba amin kilegi yan yoyisak dakon datnisi egisak.

¹² Ae Abraham unun giptimi mandabi amin kabi dakon dat yo kisi egisak. Mani amin giptimni mandanek nandan gadat dima an amin unun dakon datni dima egisak. Amin morap giptimni mandanek Abraham da giptimni dima mandanek nan-

dan gadat agit yan gin nandan gadat an amin dakon datni egisak.

Pin kop dakon yan teban tokni unun nandan gadat amin morap kisi do ton

¹³ Kalip Pin kop da Abraham gat babakni gat do miktim morap kisi yom do yan teban tok agit. Abraham gen teban yolakwan unun do anek yan teban tok dima an imgut. Nandan gadat gin anakwan amin kilegi yan iyinek yan teban tok an imgut.

¹⁴ Gen teban yolgan amin dagin Pin kop dakon yan teban tokni timitni kan, nandan gadat unun yo isali asak, anakwan yan teban tokni unun bami mini an mudokdan.

¹⁵ Amin da gen teban yapmanakwa Pin kop da butjap nandan yomisak. (Mani gen teban mini kan, gen kirijit dakon diwarini mini.)

¹⁶ Pin kop da Abraham gat babakni don altanek egipdan unun do nandan yawok yominek yan teban tok an yomgut. Do Pin kop da yo unun manjin yomgut unun timit do nandan gadat anek tagi timitni. Unun yo gen teban yolgan amin dogin dima ton, amin morap Abraham da nandan gadat agit yan gin an amin kisi da yo unun timitdan. Abraham unun nin morap kisi dakon datnin.

¹⁷ Unun do Pin kop dakon papia da yan yosok:
 “Nak da gak gepbo miktimi miktimi amin egi an an kwan unun dakon datni egipdisal.”

Pin kop unun nandan gadan imgut da dabilon Abraham unun datnin egisak. Unun Pin kop dagin amin

kimakbi egip egip yomisak, ae yo dima tawit unun gen yanjakwan noman tonj.

¹⁸ Abraham unun Pinjkop da yanj teban tok anj imgut unun aripmi dimasi noman tokdan yanj nandagit, mani miktimi miktimi amin egi anj anj kwan unun dakon datni egipdisat unun do nandan gadat tebaisi agit. Pinjkop da kili iyigit: “Babikgo da madepsi iren tokdan.”

¹⁹ Abraham unun bilakni 100 do monji aripmi dima panjalagi, ae minjatni Sara unun yo kisi monji aripmi dima panjalagi agit, mani nandan gadatni dima yawogek tebaisi tagit.

²⁰ Pinjkop da yanj teban tok anj iban but bamot anjek nandan gadatni dima yipmanj dekgit. Nandan gadatni sigin teban tanjakwan Pinjkop do man madep imgut.

²¹ Ae Pinjkop da yo ak do yanj teban tok agit unun aripmi tagi akdisak yanjsi nandan teban tagit.

²² Yanj do anjek Pinjkop da Abraham dakon nandan gadatni kanjek “amin kilegi yanj iyigit.”

²³ Gen unun mandabi unun yanj: “Pinjkop da amin kilegi yanj iyigit” gen unun Abraham dogin dima mandabi.

²⁴ Gen unun nin kisi do yosok. Nin Pinjkop Amin Taginin Yesu kimoron nanj aban pidagit unun nandan gadan imamanj amin Pinjkop da amin kilegi yanj niyisak.

²⁵ Pinjkop da Yesu nin dakon diwarinin wiriritjak do yum kanjakwan amin da anjakba kimakgit. Ae nin da kilegi man panen do anjek kimoron nanj aban pidagit.

Nin Kristo gat kisi kimakgimanj ae uñun gat kisi egip egip abidagimanj (Kilapmi 5-8)

5

Piñkop da nin miñat aminyo kilegi yanj niyisak

¹ Yanj do anjek nin nandanj gadat ano Piñkop da miñat aminyo kilegi yanj niyisak. Do Amin Taginin Yesu Kristo da panpuluganban nin Piñkop gat but kalonj ekwamanj.

² Yesu da miñat aminyo nandanj gadat amanj uñun Piñkop dakon nandanj yawot kagagwan piginej do yoma wıtdal nimgut da nin abisok uñudon tebaisi akgamanj. Anjek nin Piñkop da abin timikban Kwen Kokupmon iyi da tilim madepgwan egipneñ do nandanj teban tanjek jomjom amanj, ae nin uñun do nandanjek kisik kisik amanj.

³ Nin uñun dogin kisik kisik dima amanj. Jigi noman tanj nimanj uñunyo kisi do kisik kisik anej, nido jigi da nin dakon but panjteban anjakwa jigikon tebaisi akgamanj.

⁴ Ae jigikon tebai agek egip egipninon anpak kilegisi noman tonj, ae uñun anpak da nin jonikban but galagon da nandanj teban tanjek jomjom anjek ekwamanj.

⁵ Ae jomjom amanj uñun isal dogin dima amanj, nido Piñkop da Telagi Wupni butninon tagal niban uñun da Piñkop da nin do but dasi galak tanj nimisak uñun nolınban komanj.

⁶ Nin tapmimnin mini da egapno Piŋkop bisap yipguron Kristo da abin yokwi pakpak amin nin do kimakgit.

⁷ Miktin amin ninon kinda da amin kilegi anpulugok do kimot ak do dima nandisak, mani amin tagisi kinda amin diwari da unuden amin anpulugok do tagi kimotni.

⁸ Mani nin yokwi pakpak sigin egapno Kristo da nin do kimakgit. Unun da Piŋkop da nin do but dasi galak taŋ nimisak unun nolinban komaŋ.

⁹ Kristo dakon yawi da nin paŋkilek aban nin amin kilegi agimaŋ, do unun da nin madepsi paŋpulugaŋek paŋkutnaŋban Piŋkop da japmisi nandaŋek yokwi pakpak amin do kobogi yokwisi yomjak bisapmon tagisi egipdamaŋ.

¹⁰ Nin Piŋkop gat uwal sigin egipgumaŋ bisapmon Piŋkop dakon Monji da kimagek uwal uwal tagit unun mosak dakon pi aŋek paŋmuwukban Piŋkop gat but kalon agimaŋ. Yaŋ agit do yaŋsi nandamaŋ, abisok Monji kalugi egisak do aŋek Piŋkop da nin yokwikon baŋ timitdisak.

¹¹ Ae unun gin dima, Amin Taginin Yesu Kristo da nin paŋpulugaŋban nin Piŋkop gat but kalon agimaŋ, do nin unun do kisik kisik madepsi amaŋ.

Adam da kimot aŋalon agit, mani Yesu da egip egip aŋalon agit

¹² Adam amin kaloni kinda daŋin yokwi aban yokwi da miktimi miktimi amin nin kisi timikgit. Ae yokwi da kimot aŋalon agit. Aban miŋat amin

morapyo kisi kimot da timikgit, nido amin morap kisi yokwi awit.

¹³ Pinjkop da Moses do gen teban dima iminjakwan yokwi miktimon kili tagit. Mani gen teban dima tagit do Pinjkop da amin dakon yokwini dima manjigit.

¹⁴ Mani Adamon da winj Moses da bisapmon amin yokwi awit do kimot da minjat amin morapyo timikgit. Diwari Adam da Pinjkop dakon gen irakgit unjudej dima awit, mani kimot da unjunyo kisi timikgit.

Adam unjun Yesu don altosak dakon tilak agit, nido Adam da yo agit unjun dakon bami minjat amin moropyo kisikon iren tagit.

¹⁵ Mani Adam dakon yokwi gat Pinjkop dakon nandan yawotni gat unjun arip dima, unjun iyi iyi. Amin kindi, Adam, unjun da yokwi aban amin morapmi da kimakgwit. Mani Pinjkop dakon nandan yawotni da kimot dakon tapmim abin yipmanjek minjat aminyo morapmikon madepsi tungan yomgut. Amin kalonji Yesu Kristo dakon nandan yawotni do anek Pinjkop da nin panpuluganban amin kilegi agiman. Yo unjun but galak do nimgut.

¹⁶ Pinjkop da but galak do kilegi man nimgut unjun da yo madepsi asak, unjun da Adam da yokwi aban jigi pagiman unjun madepsi yapmandak. Adam dakon yokwini do anek Pinjkop da minjat aminyo gen pikon yopmanjek kisi morap tasik toni do yagit. Mani Pinjkop da but galak do yan agit: minjat aminyo yokwi morapmi aba nandan yawok yominjek amin kilegi yan yoyigit.

17 Amin kalonj kinda da gen kirinjit aban unun dakon yokwini da kimot anjalon aban kimot da kila amin madep kinda da yan amin morap pabin yopgut. Mani Pinjop dakon nandan yawok gat ae but galak yoni gat dakon tapmim da kimot dakon tapmim yapmanjek madepsi daman. Do nin yansi nandaman, minjat amin morap Pinjop dakon nandan yawot unun abidonj Pinjop da amin kilegi yan yoyinjakwan amin kalonj Yesu Kristo da pi agit do anjek miktimon egipjak bisapmon tebaisi atdan.

18 Yanjo, amin kalonj da gen teban kirinjikban unun yokwi do anjek Pinjop da amin morap kobogi yokwi timitni do gen pikon yopgut. Yan gin, amin kalonj kinda da anpak kilegi aban Pinjop da unun agit do anjek nin amin kilegi yan niyinjakwan kalugi ekwaman.

19 Amin kalonj da gen kirinjit aban unun do anjek amin morap kisi yokwi pakpak amin dagawit. Yan gin amin kalonj da gen guramit aban minjat amin morap kisi amin kilegi dagokdan.

20 Amin da anpakni unun yokwisi yan kan nandanyo ani do anjek Pinjop da gen tebani yoban abidawit. Mani amin da yokwi morapmisi aba yokwi awit da aripmon Pinjop da nandan yawot madepsi an yomgut.

21 Do yokwi da kila amin madep da yan yigek amin morap kimot anjalon an yomgut. Mani abisok Pinjop dakon nandan yawotni kila amin madep da yan yikdak. Amin Taginin Yesu Kristo da pi agit do anjek Pinjop da nandan yawok niminek amin

kilegi yan niyinjakwan egip egip dagok dagogi mini abidoman.

6

Nin Kristo gat kisi kalonji kimakgiman

¹ Do nin nian yonej? “Pinjkop dakon nandan yawotni da madepsi irentosak do anek nin yokwi sigin anen” yan tagi yonej, ma?

² Unun dimasi! Nin kimakbi yombem do yokwi dakon yan ilit aripmi dima nandanek yolyoli. Do nianon da yokwi sigin anen?

³ Nin Yesu Kristo gat gadanek telagi pakbi sogiman bisapmon nin morap kisi Yesu gat kimot kalonji agiman. Ji unun dima nandan, ma?

⁴ Telagi pakbikon nin Kristokon gadano kimot kalonji ano Pinjkop da nin Kristo gat kisi wayikgit. Ae Dat da tapmim madepnikon da Kristo kimoron nan aban pidagit, do unun da aripmon nin egip egip kalugikon egipnen.

Nin Kristo gat kisi kalonji egipdaman

⁵ Nin Kristokon gadano unun da kimot agit nin yo kisi yan gin kimakgiman, do unun da kimoron da pidagit unuden gin nin kimoron da pidokdaman.

⁶ Nin nandaman, but kalip dakon tapmim wagil minisi asak do anek Yesu gat ae nin dakon but kalipnin gat kisi tilak kindapmon dapgwit. Do nin yokwi dakon oman amin sanbenek dima ekwaman,

⁷ nido amin kili kimakgit unun yokwi dakon oman amini dima egisak.

⁸ Nin Kristo gat kisi kimakgiman, do nin unun gat kisi egipdaman yañsi nandan teban toman.

⁹ Nido nin yañsi nandaman, Kristo kimoron da kili pidagit, do ae kimot kinda gat aripmi dima asak. Kimot tapmimi mini do sanbenek aripmi dima abin yipjak.

¹⁰ Kimot agit unun yokwi dakon tapmim abik do anek bisap kalon kinda kimakban dagagit, mani abisok Pinkop man madep im do egisak.

¹¹ Do yan gin ji yan nandani, “Nin kimakbi yombem da yokwi da kisiron dima ekwaman. Nin Yesu Kristokon gadagiman, do Pinkop man madep im do ekwaman.”

¹² Ji yokwi yipba unun da giptimji si kimori unun kilani dima asak. Yokwi da ilik pangwan giptim dakon galaktok yokwi di abam.

¹³ Ae ji yokwi yipba giptim diwatji kisi kila anakwan anpak yokwi dima ani. Ji kimakbi tamokon da pidawit da kalugi ekwan, do ji disi ban Pinkop do paret ani. Anek Pinkop yipba giptimji kalon kila anakwan anpak kilegi ani.

¹⁴ Yokwi da sanbenek kilasi dima akdisak, nido ji gen teban da kisiron dima ekwan. Ji Pinkop dakon nandan yawot da kagagwan ekwan.

Nin anpak kilegi dakon oman amin ekwaman

¹⁵ Nin gen teban da kisiron dima ekwaman, do nian aneñ? Nin Pinkop dakon nandan yawot da kagagwan ekwaman do yokwi tagi aneñ? Unun dimasi!

16 Ji yaŋsi nandani. Amin kinds dakon geni guramigek oman aŋ im do kini kaŋ, uŋun amin dakon oman amin egipdaŋ. Do uŋun da tilak ji yokwi do kinjek geni guramitni kaŋ kimot akdaŋ. Mani Pinƙopmon kinjek geni guramitni kaŋ, amin kilegi akdaŋ.

17 Kalip ji yokwi dakon oman amin egipgwit, mani abisok Pinƙop da geni daban but dasi nandaŋek guramigkaŋ, do ya yaŋ iyineŋ.

18 Ji yokwi dakon oman amin egipgwit, mani Pinƙop da yokwikon baŋ timigek aŋpak kilegi dakon oman amin depgut da ekwaŋ.

19 Nandaŋ kokwinji aripmi dima, do mibili nandaba pisosak do aŋek tilak genon yosot. Kalip giptimji kalon yipba aŋpak inani gat ae aŋpak yokwisi mibili mibili gat dakon oman amin egipgut. Mani abisok giptimji kalon yipba aŋpak kilegi dakon oman amin egipjak dakon pi aŋ kimotni. Yaŋ aŋek ji telagisi egipdaŋ.

20 Ji yokwi dakon oman amin egipgwit bisapmon aŋpak kilegi dakon oman amin dima egipgwit.

21 Mani aŋpak yokwi kalip awit uŋun dakon bami tagi kinds dima abidawit. Abisok uŋun aŋpak do mayagi nandaŋ. Uŋun aŋpak da amin kimot yomisak.

22 Mani Pinƙop da ji yokwi da kisiron baŋ timik iyi dakon oman amin depgut da ekwaŋ. Do iyi paŋpulugaŋban telagisi egek egip egip dagok dagogi mini egipdaŋ.

23 Yokwi dakon tomni uŋun kimot, mani Pinƙop

da but galak do egip egip dagok dagogi mini yumsi nimisak. Uñun egip egip Amin Taginin Yesu Kristokon tosok.

7

Kristokon gadagimanj dakon tilak gen

¹ Not kabi, gen teban pakyañsi nandañ amin ji do gen on dayisat. Ji disi nandañ, amin kindá si egisak bisapmon gen teban da yonngamgwan egisak. Mani kimokdok bisapmon gen teban da yonngamgwan sanbejek dima egisak.

² Nak tilak gen kindá yoko. Gen teban da yosok uñun da aripmon miñat kindá amin paban eni gat giptim kalonji amal. Mani eni kimokdok bisapmon gen teban da sanbejek dima wamanjadak.

³ Do miñat uñun eni egakwan amin kindá pasak kañ, miñat uñun yumabi asak. Mani eni kimokdok kañ, gen teban da dima abidosok, do amin kindá pasak kañ, uñun yumabi dima asak.

⁴ Yan do, not kabi, ji Kristokon gadañba uñun gat kili kimakgwit, do ji Moses dakon gen teban da kisiron dima ekwan. Ji da Pin kop do bami tagisi pañalon añ imni do añek abisok kimoron da pidagit amin dakon amin kabini ekwan.

⁵ Nin but kalipmi dakon galaktok yolgumanj bisapmon gen teban da giptimnin dakon galaktok yokwi yolneñ do yabet aban yokwi agimanj. Yan añek kimot añalon agimanj.

⁶ Mani nin Kristo gat kisi kili kimakgimanj, do gen teban da nin dima timikdak, nin pulugañbi da ekwamanj. Do abisok Pin kop do oman amanj uñun

Telagi Wup da kosit kalugi noliŋakwan oman aman. Gen teban papiakon mandabi unun yolek oman dima aman.

Yokwi da nin paŋupbal agit

⁷ Gen teban da galaktok yokwi ninon paŋalon aban yokwi aman kaŋ, gen teban unun yo yokwi yaŋ tagi yoneŋ? Unun dimasi! Gen teban da taŋek yokwino noliŋban nomansi pindakdat. Gen teban da yaŋ yosok:

“Ji amin dakon yo do pindak galaktok dima ani.”
Yaŋ dima yosok tam, pindak galaktok unun anpak yokwi yaŋ dima nandakom.

⁸ Mani yokwi gen tebanon tapmim paŋek but-nokon pindak galaktok mibili mibili paŋalon agit. Gen teban mini kaŋ, yokwi unun tapmimni mini amin kimakbi yombem.

⁹ Gen teban dima nandagim bisapmon nak kalugi egipgum. Mani gen teban nagon apgut bisapmon yokwi da pidaŋakwan nak kimot agim.

¹⁰ Gen teban unun amin egip egip yom do noman tagit. Mani unun da egip egip dima namgut, kimot namgut.

¹¹ Nido yokwi da gen tebanon tapmim paŋek nak ankiligek niŋban kimagim.

¹² Do gen teban unun telagisi. Gen teban morap Piŋkop da yipgut unun telagisi, ae kilegisi, ae tagisi.

¹³ Gen teban tagisi da asi nak niŋban kimagim? Unun dimasi! But kalipno da yo tagisi unun naŋ abidaŋek nak niŋban kimagim. Yokwi pini aŋek nomansi teŋteŋakwan yokwi unun iŋan iŋanisi

yaŋ konenŋ do anjek Piŋkop da yum kaŋakwan pini agit.

Yokwi da kilanin ak do pi asak

¹⁴ Nin nandamanŋ, gen teban uŋun Piŋkop dakon Wupmon da abisak. Mani nak but kalip naŋ yoldat, nido nak yokwi dakon oman amin egisat.

¹⁵ Nak anpak asat uŋun mibili dima nandanek asat. Anpak si ak do nandisat uŋun dima asat. Mani anpak dimasi ak do nandisat uŋun ban asat.

¹⁶ Nak naga anpak dima galak tosot uŋun ban asat kaŋ, Moses dakon gen teban uŋun yo tagisi kinda yaŋ yosot.

¹⁷ Yaŋdo, nak naga anpak yokwi uŋun dima asat. Yokwi nak da buron egisak uŋun da asak.

¹⁸ Nak nandisat, nak da buron yo tagi kinda dima tosok. Uŋun but kalipno do yosot. Asi, nak anpak kilegi ak do nandisat, mani aripmi dima abenŋ.

¹⁹ Anpak tagi ak do nandisat uŋun dima asat. Ae anpak yokwi dima ak do nandisat uŋun ban asat.

²⁰ Nak anpak dima galak tosot uŋun ban asat kaŋ, nak naga dima asat. Yokwi butnokon egisak uŋun da asak.

²¹ Yaŋdo, anpak kinda da egip egipnokon pi tebaisi asak uŋun yaŋ. Anpak tagi ak do nandisat bisapmon yokwi da kosit sopsop an namisak.

²² Asi, nak butnogwan da Piŋkop dakon gen teban do nandako yo madepsi asak.

²³ Mani butno dakon galaktok madep kinda da butnogwan pi aban nandisat. Uŋun galaktok da nandak nandaknokon nak abiŋ nep do emat anjek

yokwi da dam tebanon nepmanjek giptimno kila asak.

²⁴ Awa, nak bupmisi egisat! Giptimno da kimoron nepmandak, do namın da nak pulugan nepjak?

²⁵ Nak Pinƙop ya yaŋ iyisat! Amin Taginin Yesu Kristo dasi pulugan nepdisak.

Yaŋdo, nak nandak nandaknokon Pinƙop dakon gen teban yol do nandisat, mani but kalip egip egipmon nak yokwi dakon oman amin egisat.

8

Kristo da yokwinin wiririk niminek Telagi Wup ningut

¹ Yaŋdo, miŋat aminyo Yesu Kristokon gadawit unun yokwi dakon kobogi dimasi timitdan.

² Nido ji Yesu Kristo dakon miŋat amin kabini ekwan, ae Wup egip egip nimisak unun dakon tapmim da ji pulugan depmandak. Anakwan ji yokwi gat ae kimot gat da kisiron sanbenek dima ekwan.

³ Pinƙop da Moses do gen teban imgut unun da nin dakon diwarinin aripmi dima wiriritjak, nido but kalipnin da gen teban aripmi dima guramitjak. Mani Pinƙop da iyi dakon Monji yabekban pin yokwi pakpak amin nin dakon giptim yombem abidanek yokwinin wiririkit. Pinƙop da Monji nan paregek yokwi dakon tapmim abigit.

⁴ Gen teban dakon anpak kilegi nin da egip egipmon tugok tugogisi noman tosak do anek

Piņkop da yaņ agit. Nin abisok but kalipmon dima ekwaman, nin Telagi Wupmon ekwaman.

⁵ Amin but kalip anpagon ekwan unun but kalip dakon galaktok banġin yolġan, mani amin Telagi Wupmon ekwan unun Telagi Wup dakon galaktok yolġan.

⁶ Amin kindā nandak nandakni but kalipmon yipmandak kaņ, unun amin kimotjak. Mani nandak nandakni Telagi Wupmon yipmandak kaņ, unun amin egip egip abidanek but yawot egipjak.

⁷ Amin kindā nandak nandakni but kalipmon yipmandak kaņ, unun Piņkop dakon uwalni, nido gen tebani dima guramikdak, ae unuden amin da aripmi dima guramiri.

⁸ Amin morap but kalipmon ekwan unun anpak Piņkop da galak tosok unun aripmi dima ani.

⁹ Mani ji but kalip anpagon dima ekwan. Piņkop dakon Wupni asi jikon egisak kaņ, Telagi Wup da ji dayiņ pawilakwan ekwan. Kristo dakon Wupni mini amin unun Kristo dakon amin dima.

¹⁰ Yokwi da giptimjikon kimot paņalon anđaban kimot akdaņ. Mani Kristo butjikon egisak kaņ, ji amin kilegi dagawit, ae wupji kalugi ekwan.

¹¹ Piņkop Yesu Kristo kimoron naņ aban pidagit unun dakon Wupni jikon egisak kaņ, Piņkop da Wupni da tapmimon giptimji kimot akdaņ unun egip egip yomdisak.

Nin Telagi Wupmon Piņkop dakon gwakni agiman

¹² Yaņdo, not kabino, Piņkop da nin Wup dakon galaktok yolneņ do nandisak. But kalip da ji

timisok di dima panpulugagit, do unun dakon galaktok dimasi yolni.

¹³ Ji but kalip anpagon egipni kan, si kimotdan. Mani Telagi Wup da tapmimon giptim dakon anpak yokwi pabin yopni kan, kalugi egipdan.

¹⁴ Nido minjat amin morapyo Pin kop dakon Wup da yoyin pawildak unun Pin kop dakon gwakni ekwan.

¹⁵ Pin kop da Wup dangut unun da ji oman amin egek pasol pasol aesi ani do dimasi nandisak. Wupni da ji panpuluganban Pin kop dakon gwakni daganek Pin kop do “Aba, Dat” yan iyaman.

¹⁶ Telagi Wup gat ae nin dakon wup gat da “nin Pin kop dakon gwakni ekwaman” unun do yan kwok amal.

¹⁷ Nin Pin kop dakon gwakni ekwaman, do Pin kop Dat da Kristo do yo tagisi morap im do yan teban tok agit unun nin kisi da timidaman. Nin abisok unun da tepmi pagit unuden gin paner kan, nin unun da tilimnikon unun gat kisi egipdaman.

Don Kwen Kokupmon tilimnikon tagisi egipdaman

¹⁸ Tilimni wagil tagisisi unun don nimdisak, do abisok tepmi paman unun yo moninisisok yan si nandisat.

¹⁹ Nido yo morap Pin kop da wasagit unun da Pin kop da gwakni nomansi panterter akdisak dakon bisap tepmi noman tarban yan do antep an.

²⁰ Yo morap wasagit unun Pin kop da jobit yomgut. Jobit unun dima timit do nandawit, mani

Pinƙop da iyi don paƙkaluk akdisak unun nandan teban taƙeƙ jomjom ani do aƙeƙ jobit yomgut.

21 Don, Pinƙop da bisaƙ yipguron yo morap tasik taƙeƙ kimot aƙ unun pulugaƙban ae dima kimagek mik tokdaƙ. Aban Pinƙop dakon gwakni nin gat tilimnikon pulugaƙbi da egipdamaƙ.

22 Nin nandamaƙ, miƙat da monji paƙalak do tepmi paƙ unun da tilak yo morap Pinƙop da wasagit tepmi paƙ. Aƙeƙ kisi morap da iyon iyon yawit da yaƙakwa wik da abisok bisaƙmon wisak.

23 Ae yo unun daƙin iyon iyon dima yon. Ninyo kisi iyon iyon yomaƙ. Nin Telagi Wup kili abidagimaƙ, ae yo diwari tagisi don timidamaƙ yaƙsi nandamaƙ. Mani nin abisok tepmi sigin paƙeƙ iyon iyon yaƙeƙ Pinƙop da monji gwayono yaƙ niyiƙeƙ giƙtim kalugi nimdisak bisaƙ unun do nandan teban taƙeƙ jomjom amaƙ.

24 Pinƙop da nin yokwikon baƙ timikgit, ae yo morap tagisi aƙ nim do nandisak unun do jomjom amaƙ. Yo kinda abidok do jomjom amaƙ kaƙ, nin nandamaƙ unun yo dima abidamaƙ. Amin kinda yo kinda kili abidagit kaƙ jomjom dima asak.

25 Mani nin yo unun dima abidagimaƙ, do jomjom amaƙ kaƙ, nin butnin yawori taƙakwa jomjom amaƙ.

26 Ae Telagi Wup da tapmimni mini amin nin paƙpulugosok. Nin yo nido bisaƙ aneƙ unun dima nandamaƙ, ae gen kaga da ni gen naƙ yoneƙ unun dima nandamaƙ. Mani Telagi Wup da iyon iyon yaƙeƙ nin paƙpulugok do iyi bisaƙ asak.

27 Unun da Pinƙop dakon galaktok yolek telagi

amin kabini nin panpulugok do bisit asak. Do Pin kop amin but pindat pindat amin da Wup dakon nandak nandakni kosok.

²⁸ Nin nandaman, Pin kop da yo morap kisikon pi aban unun yo morap da amin morap iyi do but dasi galak tan iman amin unun da panpulugok madepsi timikgan. Unun amin Pin kop da galaktokni yolni do anek yan yomgut.

²⁹ Nido minjat aminyo Pin kop da kalipsigwan “don timitdisat” yan nandan yomgut unun Monji Yesu yombem dagoni do tilak agit. Monji da peni mibiltogi egakwan padik padikni ae saminiyo morapmi da egipni do nandagit.

³⁰ Ae amin unun tilak agit ununyo kisi yan yomgut. Ae amin unun yan yomgut unun minjat aminyo kilegi yan yoyigit. Ae amin unun kilegi yan yoyigit unun tilimni yomgut.

Pin kop nin do toktogisi but dasi galak tan nimisak

³¹ Yan agit do nian yonen? Pin kop da nin panpulugosok, do namin da uwal anek nin pabin nipjak?

³² Pin kop iyi dakon Monji dima ankutnanek nin morap panpulugosak do yabekgit. Yan agit do yo morap kisi but galagon da nimdisak.

³³ Pin kop da nin iyi do kili manjigit, do namin da gen pikon nipjak? Pin kop da iyi minjat aminyo kilegi yan niyisak.

³⁴ Namin da nin yokwi dakon kobogi timitnen do yosak? Unun aripmi dima, nido Yesu Kristo nin do anek kimakgit, ae unun gin dima, nin do anek

kimoron da pidagit. Ae abisok Pinƙop da amin tet do yigek nin paɗpulugosak do iyisak.

³⁵ Kristo da nin do but dasi galaktan nimisak, do yo kinda da nin unun kagagwan nan aripmi dima paɗwasisak. Jigi tepmiyo panen, bo amin da yo yokwi an nimni, bo jap do anen, bo imal do wadak wadak anen, bo yo yokwisi kinda da nin paɗupbal ak do asak, bo emat ninon noman tosak kan, unun yo morap da tagi paɗwasini? Unun aripmi dimasi!

³⁶ Pinƙop gen papia da unun do yan yosok:
 “Nin gak dakon miɗat aminyo ekwaman, do bisapmi bisapmi amin da nin si nindapba kimokgoman.

Unun da nindaba nin sipsip si dapba kimori yombem da ekwaman.”

³⁷ Mani Kristo da nin do but dasi galaktan nimisak, do unun yo morap noman tan nimiɗakwa paɗpuluganƙwan pabiɗ yopmanƙaman.

³⁸ Nak asisi nandan teban tosot, Pinƙop da nin do but dasi galaktan nimisak, ae yo kinda da nin unun kagagwan nan aripmi dima paɗwasisak. Kimot, bo egip egip, bo anelo, bo kon, bo yo abisok ton, bo yo don noman tokdan, bo yo tapmimi ton mibili mibili,

³⁹ bo yo kwen ton, bo yo miƙgwan ton, bo yo diwari tan anan kwan unun yo morap da Pinƙop da nin do but dasi galaktan nimisak unun kagagwan ban aripmi dima paɗwasisak. Pinƙop da nin do but dasi galaktan nimisak unun Amin Taginin Yesu Kristo obakon noliɗban koman.

Pol Pinƙop da Israel aminon pi agit

uᅇun do yagıt

(Kılapmi 9-11)

9

Pol da Israel amin do bupmi nandanᅇ yomgut

¹ Nak Kristo dakon amin, do bamisi yosot. Top dıma yosot. Nak gen on yosot uᅇun Telagı Wup da nandak nandakno si jonıgakwan gen uᅇun bami yosot yanᅇi nandanᅇk yosot.

² Nak bisapmi bisapmi bupmi but yokwiyo anᅇk butno madepsi jık tosok.

³ Nak Piᅇkop da yawi dıwat kabino Israel amin yokwikon banᅇ timitjaksi do nandısat. Do nak dakon galaktok uᅇun yanᅇ: Kosit di yanᅇ tonᅇ tam nak da naga jobıt timıgek Kristo yıpmanᅇ degapbo Israel amin da nak dakon tamo abıdanᅇbam.

⁴ Israel amin kabı uᅇun Piᅇkop da gwaknoni yanᅇ kılı yoyıgıt. Tilimni kılı yolınᅇban bisap morapmi kawıt, ae Piᅇkop da sanᅇbek sanᅇbek uᅇun gat anᅇk gen tebani yomgut. Ae gawak imni dakon mibılı yoyınᅇk yanᅇ teban tokni yomgut.

⁵ Uᅇun dakon babakni mibıltoğı uᅇun man madepni tonᅇ da egıpgwit. Ae uᅇun kabikon da Kristo amin dagagıt. Kristo uᅇun Piᅇkopsi, yo morap dakon busunᅇi egısak, do bisapmi bisapmi mani anᅇkisiᅇ kimotneᅇ. Uᅇun asi.

Piᅇkop da Israel aminon pi agıt Pol da uᅇun do yagıt

⁶ Do Piᅇkop da Israel amin do yanᅇ teban tok agıt uᅇun jonıgakwan bami tonᅇ dıma agıt yanᅇ tagı

yoneŋ? Uŋun dıma, nido Israel amınon da altanbi uŋun kisi morap Israel amın bamisi dıma.

⁷ Ae Abrahamon da altanbi amın morap kisi da Abraham dakon gwaknisi yan tagi dıma yoneŋ. Piŋkop da kalip yan yagit:

“Aisak kalonon dagin babıko noman tokdan.”

⁸ Uŋun gen dakon mibili uŋun yan. Amın da monji paŋalan uŋuden alton amın morap kisi da Piŋkop dakon gwakni dıma. Monji morap yan teban tok kosiron da altanbi uŋun dagin Abraham dakon babıknı.

⁹ Nido Piŋkop da yan teban tok yan agit:

“Bisap yipgumon tobil abınapbo Sara da monji wili aŋalakdisak.”

¹⁰ Ae uŋun gin dıma, babıknin Aisak da Rebeka paŋek monji yayat paŋalagit.

¹¹ Mani Piŋkop anpakni yolek galaktoknikon amın manjisak. Yayat bamot dıma altanek anpak tagi bo ae yokwi dıma anakwal

¹² Piŋkop da Rebeka yan iyigit:

“Monji mibiltok altosak uŋun da padige dakon oman amini egipdisak.”

¹³ Piŋkop gen papia da uŋun do yan yosok:

“Padige Jekop do but dasi galaktan imgum, mani peni Iso do dıma galak tan imgum.”

¹⁴ Do nian yoneŋ? Piŋkop kokwin kilegi dıma asak? Dımasi!

¹⁵ Nido Piŋkop da Moses yan iyigit:

“Nak amın kında do bupmi nandan im do nandaken kan, bupmi nandan imdisat.

Ae amin kinda anꝑulugok do nandaken kan anꝑulugokdisat.”

16 Yanꝑo, Piꝑkop amin manꝑit do nandisak kan, amin dakon galaktok bo amin dakon teban tebanon da dima manꝑisak, unꝑun bupmini do anꝑek manꝑisak.

17 Telagi papiakon Isip dakon kila amin madep Pero Piꝑkop da yanꝑ iyigit:

“Nak da jigi madepsi gabo miktimi miktimi minꝑat aminyo da tapminno kanꝑek man madep namni yanꝑ do anꝑek nak da kila amin madep man gangum.”

18 Yanꝑo, nin nandamanꝑ, Piꝑkop da amin kinda do bupmi nandanꝑ im do nandisak kan, bupmi nandanꝑ imdisak. Ae amin kinda aban but teban asak do nandisak kan, galaktokni yolek aban but teban asak.

19 Mani jikon da kinda da yanꝑ nayikdisak, “Piꝑkop da yanꝑ asak kan, nido nin gulusunꝑnin tonꝑ yanꝑ niyisak? Namin da Piꝑkop da yo ak do nandisak unꝑun yapmanꝑek iyi da galaktogon yo kinda asak?”

20 Gak yanꝑ dimasi yoki. Gak amin gin, do Piꝑkop da yo asak unꝑun do “Dima agagi asal” yanꝑ nido yosol?

“Amin iyi wasagit da wasagit amin ‘Nido nak yanꝑ wasagil?’ yanꝑ tagi dima iyigi.”

21 Miktim kwoba wasok amin da mikgagak timi kinda abidanꝑek kwoba tagisi kinda pi tagisi do wasanꝑek, kwoba kinda pi isali di ak do wasosak kan, unꝑun dima agagi asak yanꝑ tagi nandanꝑnꝑ?

²² Piŋkop da yaŋ giŋ asak. Uŋun butjapni ae tapmiŋni amin kiŋi da koni do nandisak, mani japmi nandaŋ yomisak amin tasik toni do parekbi uŋun jomjom aŋek tepmi dima paŋtasik asak.

²³ Yaŋ asak, nido amin bupmi nandaŋ yomisak uŋun da tilimni dakon yo tagisi morap uŋun dakon mibili nandani do nandisak. Uŋun amin tilimnikon egipni do kili manjigit.

²⁴ Uŋun nin mani. Uŋun da nin Juda amin ae Amin Nwakŋwari Kabi da kabikon baŋ manjin nipgut.

²⁵ Kombi amin Osea da papia mandagiron Piŋkop da Amin Nwakŋwari Kabi do yaŋ yagit:

“Miŋat aminyo uŋun kalip nak dakon amin kabi dima egipgwit, uŋun abisok nak dakon amin kabino yaŋ yoyiken.

Ae but dasi dima galaktaŋ yomgum amin, uŋun abisok but dasi galaktaŋ yoben.”

²⁶ Ae kinda yaŋ yagit:

“Ji nak dakon amin kabi dima yaŋ yoyigim tamokon uŋudon giŋ ‘Ji Piŋkop egip egip teban egisak uŋun dakon monji gwayoni’ yaŋ yoyikdisat.”

²⁷ Aisaia Israel amin do nandaŋek yaŋ tidanek gen yaŋ yagit:

“Israel miŋat aminyo tap kidipmiŋon niman ton yombem morapmisi ireŋ tokdaŋ, mani Amin Tagi da kalonjok di baŋgin yokwikon baŋ timitdisak.

28 Nido Amin Tagi da minjat amin morap gen pikon yopmanjek kobogi yokwisi tepmisi yomdisak.”

29 On yo noman tokdan unun do Aisaia da kalip yan yagit:

“Amin Tagi Tapmim Ami da nin dakon amin kabi kalonisok di dima yopban egipgwit tam, nin Sodom ae Gomora kokup da tasik tagimal yan gin tasik tagiman.”

Israel amin nandan gadat bami dima awit

30 Do nian yonen? Yan yonen: Amin Nwaknwari Kabi Pin kop da dabilon kilegi egip do pi teban dima awit. Unun nandan gadat anek kilek tawit.

31 Mani Israel amin Moses dakon gen teban yolek minjat amin kilegi egip do pi tebaisi awit, mani dima kilek tawit,

32 nido nandan gadat kosiron da amin kilegi egip do dima nandawit. Unun iyi da teban tebanon da kilegi man pak do nandawit. Unun Yesu dima nandan gadan imgwit, do tip kinda da yan kosiron tanakwan kandapni tidanek man pakgwit.

33 Pin kop gen papia da unun do yan yosok:
 “Nandani. Nak da tip kinda Saion kokup papmon amin kesal dapni do yipmandat.
 Mani nandan gadan imni amin mayaktok dima pakdan.”

10

Israel amin Pin kop dakon anpak dima nandan

¹ Not kabi, Pin kop da Israel amin yokwikon ban timitjak dosi nandanek bisit iyisat.

² Nak Israel amin dakon mibilni nandisat, unun Pinjkop dakon galaktok yol do pi tebaisi an, mani Pinjkop dakon galaktok pakyanjsi dima nandanek an.

³ Unun nian anapno Pinjkop da kilegi man nimjak unun dima nandanek iyi da teban tebanon da amin kilegi dagok do pi tebaisi an. Yan anek Pinjkop yipba unun da panjilek aban amin kilegi dima dagon.

⁴ Nin nandaman, Kristo da pi aban gen teban yo isali agit, do minat amin morap Kristo nandan gadan iman unun Pinjkop da dabilon amin kilegi dagon.

⁵ Moses da minat aminyo gen teban yolek ni anpak ban anakwa Pinjkop da amin kilegi yan yoyisak unun do yan mandagit:

“Amin kinda gen teban morap kisi guramikdak unun kalugi egipjak.”

⁶ Mani amin kinda nandan gadat anakwan Pinjkop da unun do amin kilegi yan iyisak unun amin da yan yosok, “Ji disi butjikon da

‘Namin da Kwen Kokup wigisak?’

yan dima yoni. Gen unun yoni unun da Kristo miktimon abik do nandan yan asak.

⁷ Ae ji

‘Namin da kimakbi tamokon pigisak’

yan dima yoni. Gen unun yoni unun da Kristo kimakbi tamokon nan awik do nandan yan asak.”

⁸ Mani nian yonej? Nin Pinjkop dakon gen yolek yan yonej:

“Pinjkop dakon gen unun ji da kapmatjok tosok.

Unun gen kagasikon ae butjikon tosok.”

Gen unun nandan gadat dakon gen nin da yan tenjenok aman unun.

⁹ Nin yan yoman. Gak yankwok anek gen kagokon da “Yesu unun Amin Tagi” yan yoki, ae butgokon da “Pinkop da Yesu kimoron nan aban pidagit” yan nandan gadasal kan, Pinkop da gak yokwikon nan abidokdisak.

¹⁰ Nin butninon da nandan gadat ano Pinkop da nin minat aminyo kilegi yan niyisak, ae nandan gadatnin gen kagakon da yankwok ano Pinkop da nin yokwikon ban timikdak.

¹¹ Pinkop dakon gen da unun do yan yosok:
“Amin morap Pinkop nandan gadan iman unun mayaktok dima pakdan.”

¹² Juda amin gat ae Amin Nwakwari Kabi gat unun kisi Pinkop da dabilon arip gin. Amin Tagi unun amin morap kisi dakon Amin Tagini. Unun da amin morap panpulugosak do bisit iyan unun madepsi gisamikdak.

¹³ Do
“minat amin morap Amin Tagi dakon man yanek panpulugosak do bisit iyan unun yokwikon ban timidiskak.”

¹⁴ Mani minat aminyo dima nandan gadan imni kan, nianon da bisit iyinba panpulugosak? Ae gen bini do dima nandani kan, nianon da nandan gadan imni? Ae amin kindi da Pinkop gen dima yoyisak kan, nianon da gen bini nandani? Unun aripmi dima nandani.

¹⁵ Ae amin dima yabetni kan, Pinkop gen aripmi dima yan tenjenokdan. Pinkop gen da yan yosok:

“Gen bin tagisi panjaban amin dakon abapni unun yo madepsi!”

Israel amin Gen Bin Tagisi dima abidawit

¹⁶ Mani Israel amin kisi da Gen Bin Tagisi dima abidawit. Aisaia da yan yagit:

“Amin Tagi, gen yan tenjoman namın da nandan gadasak?”

¹⁷ Yan do, nin nandan, amin da Kristo dakon gen yan tenjanba nandano unun da nandan gadat panalon asak.

¹⁸ Mani nak gen kind a dayikdisat unun yan. Israel amin Gen Bin Tagisi unun nandawit bo dima? Unun nandawit. Pinjok gen papia da yan yosok: “Minjat amin morapyo miktimi miktimi ekwan da tekni kili nandawit.

Geni miktim diwarikon da diwarikon kili kigit.”

¹⁹ Ae gen kind a gat dayikdisat unun yan. Israel amin da gen unun dakon mibili nandaba pisagit bo dima? Unun nandaba pisagit. Mibiltok Pinjok da Moses dakon gen kagakon da Israel amin gen yoyigit unun do nandan. Gen yan yagit:

“Nak da amin kabi kind a man bini mini ae nandak nandakniyo tagi dima unun timikgo nak nandan gadan naba ji da unun do nandaba yokwi tok anek butjap nandakdan.”

²⁰ Ae Aisaia da gen tebaisi yan yagit:

“Amin kabi kind a nak wisik do pi dima awit unun da nak kili analon awit.

Ae nak do dima yanek egipgwit amin nak da naga nan yoliko kili nandawit.”

21 Mani Aisaia da Israel amin do nandanek yan yagit:

“Nak gildat kinda kalon gen kirijit anek but tobil ak do dima nandan amin unun nagon opni do kisitno dedan egisat.”

11

Piņkop da Israel amin diwari do nandan yawot agit

¹ Do nak yan dayikdisat, Piņkop da miņat amin kabini manji yomgut? Unun dimasi! Nak naga Israel amin kinda. Nak Abraham dakon babi, ae Benjamin da kabikon nani kinda.

² Piņkop da miņat aminyo kalip iyi do manjigit unun manji dima yomgut. Ji Piņkop da papiakon Elaija do gen mandabi unun dima nandan bo? Elaija Israel amin do gen yan yomiņek Piņkop yan iyigit:

³ “Amin Tagi, gak dakon kombi amingo kili dapba kimakgwit, ae gak dakon altago tuwilgwit. Abisok nak kalon dagin egapbo nakyo kisi nikba kimotdisat.”

⁴ Mani Piņkop da kobogi ni gen nan iyigit? Yan iyigit:

“Nak dakon amin kabino 7 tausen da ekwan, unun amin kokup kidat Bal unun do gawat gawat dima awit.”

⁵ Unuden gın abisokyo kisi Piņkop da Juda amin kabisok kinda nandan yawot an yomiņek iyi do kili manjigit.

⁶ Unun pi kinda awit do anek dima manjigit, unun nandan yawok yominek isalsi manjigit. Unun pi kinda anakwa manjigit tam, unun da nandan yawotsi dima asak.

⁷ Yanjo, nian yonej? Israel amin Pinjkop da dabilon kilek tok do pi tebaisi awit, mani dima kilek tawit. Pinjkop da amin diwari banjin manjinban unun dagin kilek tawit. Anakwan diwari Pinjkop da but yomani sopman yomgut.

⁸ Pinjkop gen papia da unun do yan yosok:
 “Pinjkop da nandak nandakni panjupbal aban upbal tawit,
 ae dabili sopban yo dima pindari awit,
 ae mirakni sopban yo dima nandawit.
 Pinjkop da yan agit da abisok yan gin egi anan oban.”

⁹ Kalip Dewit da unun do yan yagit:

“Unun jap noknok anek kisik kisik an, mani gak da yokwi awit dakon kobogi do paron yopbi yokwalni, ae gapmakon moni, ae kosiron tipmon kandapni tidoni dosi nandisat.

¹⁰ Ae dabilni abi pilin tanakwa yo dima pindatni, ae jigi morapmi imek yominek manji gironitni, anek yan gin egi wigini dosi nandisat.”

Pinjkop da Amin Njwakɲwari Kabi yokwikon ban timikgit

¹¹ Yanjo, nak yan dayikdisat. Israel amin yokwikon manek wagil tasik tan yan nandan? Unun dimasi! Unun Pinjkop manji imgwit, anakwa Pinjkop da Amin Njwakɲwari Kabi yokwikon ban timikgit.

Israel amin da unun kanek ninon yanşi asak tam tagisi yan nandan yomni do anek Pin kop da unun agit.

¹² Israel amin da Pin kop manji imgwit bisapmon Pin kop da miktim amin morap kisi panpuluganek yo tagisi morapmi anyomgut. Ae Israel amin Pin kop dakon anpak yipman dekgwit bisapmon Pin kop Amin Nwakanwari Kabi do yo tagisi anyomgut. Yan agit do yanşi nandanen, Israel amin Pin kopmon ae tobil apni bisapmon, mibiltok agit unun si yapmanek miktim amin morap kisi do yo wagil tagisisi morapmi anyomdisak.

¹³ Amin Nwakanwari Kabi, nak abisok ji do gen on dayikdisat. Pin kop da nak jikon yabekbi pi aben do yan namgut. Nak pi unun asat unun do tagisi nandisat,

¹⁴ nido nak unun pi anapbo, Pin kop da jikon yo tagisi an daminakwan, Israel amin dabinoni da unun kanek, ninon yan gin asak tam tagisi yan nandani do nandisat. Yan nandanakwa Pin kop da diwari yokwikon ban timitjak kan tagisi yan nandisat.

¹⁵ Pin kop da Israel amin yopman dekgit bisapmon minat aminyo miktimi miktimi ekwan unun timikban iyi gat but kalon awit. Yan agit do Israel amin yokwikon ban timitjak kan, nin nandan, unun kili kimakgwit ban egip egip ae yomisak yan asak.

¹⁶ Amin da wit mibiltok pan unun ban diwari timigek bret wasanek Pin kop do paret an. Yan aba bret diwari kisi telagi gin an mudon. Ae kindap dakon geli unun telagi kan, kilinji yo kisi telagi gin.

¹⁷ Nak tilak gen kinda dayikdisat. Olip kindap amin da kwaokbi dakon kilinjı unun Israel amin dakon tilak asak. Unun kilinjı diwari Pinjkop da pañsanik maban kiwit. Ae Amin Njwakɲwari Kabi ji olip kindap iyi kwokwo dakon kilinjı yombem, ji pañabinj olip kindap tagisi amin da kwaokbikon sanbegit da gelikon pakbi iligek kilinjı diwari gat tagisi tonj.

¹⁸ Mani ji disi do nin kilinjı diwari yapmanek kilinjı tagisi yanj dima nandani. Ji da geli do pakbi dima iman, geli da pakbi damisak, do ji disi do dima nandaba wigisak.

¹⁹ Mani ji da yanj yokdan, “Nin da kindap obikon sanbenej do anek kilinjı unun Pinjkop da pañsanikgit.”

²⁰ Unun asi, Pinjkop da yanj agit. Mani Israel amin Kristo dima nandan gadan imgwit, unun do anek pañsanikgit. Ae ji nandan gadan iman do kindapmon sanbewit da ekwanj. Do ji disi do nandaba dima wigisak. Ji si pasolni.

²¹ Nido Pinjkop da kindap unun iyi dakon kilinjı unun pañsanikgit, do ji disi do nandaba wigisak kan, jiyo kisi pañsanitdisak.

²² Ji pakyanji nandani. Pinjkop da amin do anpak yawori anyomisak, mani yokwi aba japmi nandan yomisak. Amin morap anpakni yopmanj dekgwit unun yo yokwisi anyomgut, mani ji anpakni tagisi unun do nandan teban tanek sigin atni kan, anpak yawori andamdisak. Mani ji yanjon dima atni kan, jiyo kisi pañsanitdisak.

²³ Ae Israel amin kalip pañsanikgit unun nandan

gadat ani kaŋ, kindap obikon aeni saŋbekdisak. Nido Piŋkop iyi aeni saŋbesak dakon tapmim taŋ imisak.

²⁴ Disi nandaŋ, Amin Nwakiwari Kabi ji kalip olip kindap iyi kwokwo dakon kilinji yombem da yaŋ egipgwit. Unjudon baŋ Piŋkop da ji paŋsanik olip kindap amin da kwaokbikon saŋbegit. Kindap iyi yaŋ dima kwon, mani Piŋkop da yaŋ agit. Do kilinji unjun paŋsanikgit unjun iyi da obikonsi tagapmisi saŋbekdisak.

Piŋkop amin morap do bupmini yolik do nandisak

²⁵ Not kabi, nak ji da gen pasili kinda tosok unjun dakon mibili nandaba piosak do nandisat. Yaŋ kaŋ disi do dima nandaba wigisak. Gen pasili unjun yaŋ: Israel amin diwari Piŋkop da but yomani soggut unjun yaŋ egi wigakwa Amin Nwakiwari Kabi niaŋ da iyikon apni do tilak yipgut unjun da aripmon iyikon apdaŋ.

²⁶ Ae don Piŋkop da Israel amin morap kisi yokwikon baŋ timitdisak. Unjun do Piŋkop gen papia da yaŋ yosok:

“Yokwikon Baŋ Timit Timit Amin unjun Saion kokup papmon da apdisak.

Abinek Jekop dakon amin kabikon altaŋek Piŋkop gen pabin yop anpakni wiririkban kin mudokdaŋ.

²⁷ Anek yokwini wiririk yom do nak unjun gat saŋbek saŋbek kinda abeŋ.”

²⁸ Israel amin Yesu dakon Gen Bin Tagisi unjun do manji imgwit, do Piŋkop dakon uwalni dagawit. Yaŋ anek ji Amin Nwakiwari Kabi paŋpulugawit.

Mani Piŋkop da kalipsigwan Israel amin iyi dakon miŋat amin kabi egipni do kili manjigit, ae babakni do sigin nandan yominek but dasi galaktan yomisak.

²⁹ Nido Piŋkop da amin yan yomisak unun nandak nandakni kulabik dima asak, ae but galak do yo yomisak unun aripmi dima gwayesak.

³⁰ Amin Nwakŋwari Kabi ji kalip Piŋkop dakon gen pabiŋ yopgwit. Mani abisok Israel amin Piŋkop dakon gen dima guramikgan. Yan do anek ji bupmini abidawit.

³¹ Unuden gin abisok Israel amin da Piŋkop gen dima guramikgan. Mani ji da bupmini abidawit, do Israel amin yo kisi tagi abidoni.

³² Piŋkop da miŋat amin morap kisi bupmini yolik do nandagit, do yum pindagakwan amin kisi geni kirinjek dam tebanon egipgwit.

Piŋkop man madep imiŋ kimotneŋ

³³ Mao! Piŋkop dakon anpakni tagisi, ae nandan kokwini, ae nandak nandakni unun wagil ilarisi. Gen kokwin pi agakni amin da mibili aripmi dima wisin kokogi, ae amin da pi agakni aripmi dima nandan pisogi.

³⁴ Unun do Piŋkop gen papiakon gen yan tosok:
“Namin da Amin Tagi dakon butni kagit?”

Ae namin da anpuluganek nandak nandak

³⁵ “Namin da mibiltok Piŋkop do yo

³⁶ Piŋkop da iyɨ yo morap wasagit, ae uŋun da yaŋakwan tamonikon toŋ. Ae yo morap da mani aŋenokgoŋ. Dagok dagogɨ mini tilimni taŋ aŋaŋ kikdisak teban. Uŋun asi.

Kristo nandaŋ gadaŋ iman amin da ni aŋpak baŋ ani uŋun do Pol da yagit

(Kilapmi 12.1-15.13)

12

Nin giptimnin naŋ Piŋkop do paret aŋ imneŋ

¹ Yaŋdo, not kabino, nak Piŋkop dakon bupmini madepsi uŋun do nandaŋek gen tebai yaŋ dayisat. Ji kalugɨ sigin egek giptimji naŋ Piŋkop do paret aŋ imni. Yaŋ aŋek telagɨ egek aŋpak Piŋkop da galak tosok uŋun baŋ aŋek egipni. Ji yaŋ ani kaŋ, Piŋkop bamisi gawak imdaŋ.

² Ji miktim amin da tilagon dima egipni. Ji yum kaŋakwa Piŋkop da nandak nandakji paŋkaluk aban aŋpakji kisi kalugisak. Yaŋ ani kaŋ, Piŋkop dakon galaktokni tagɨ nandaba pisokdisak. Aŋek aŋpak tagisi gat, ae aŋpak Piŋkop da si galak tosok gat, ae aŋpak gwaljigɨ minisi uŋun tagɨ nandaba pisokdisak.

Piŋkop da pi kokwinik nimisak uŋun tagisi aneŋ

³ Piŋkop da nak do aŋpak tagisi aŋ namineŋek pi namgut, do ji kalon kalon yaŋ dayisat. Ji disa do dima nandaba wigisak. Piŋkop da nandaŋ gadat

damisak unun da arıpmon anpakji kokwinıgek dısi do “nin nianen amin?” yan do nandani.

⁴ Nin nandaman, gıptımın kalonı mani dıwatni morapmi, ae pini kalonı dima an.

⁵ Yangın, nin mınat aminyo morapmi mani nin Kristokon gıptım kalonı agıman. Ae nin kisi gıptım kalonı dakon dıwatni da ekwaman.

⁶ Pınkop da nandan yawotni do anek but galak do pi nıwaktıwat nıwaktıwat nımgut. Do amin kinda kombi gen yosak do pi ımgut kan, nandan gadatni tan ımısak unun da arıpmon kombi gen yosak.

⁷ Amin kinda panımuwukbi panıpulugosak do pi ımgut kan, tagısi panıpulugosak. Ae amin kinda yoyındet pi ımgut kan, yoyındet pi an kımotjak.

⁸ Ae amin kinda amin but panıteban ak pi ımgut kan, amin but panıteban ak pi unun an kımotjak. Ae amin kinda wadak wadak amin panıpulugosak do pi ımgut kan, yo morapmi yomjak. Ae amin kinda kila amin pi ımgut kan, kila amin pi unun do tapmımnı kisi paregek asak. Ae amin kinda amin do bupmi nandanek panıpulugok pi ımgut kan, kısık kısıgon da panıpulugosak.

Nin amin do but dasi galak tan yomneı

⁹ Ji amin do but dasi galak tan yomıı kımotni, topmon da dima ani. Ji anpak yokwi do nandaba yokwisi asak. Anek anpak tagı ban pabıdan kımotni.

¹⁰ Ji dısi dakon notji do but dasi galaktan yoman unuden gin Pınkop dakon mınat aminyo do but dasi galak tan yomni. Anek dısi do nandaba nian

wigisak unun si yapmanek notji do madepsi nandaba wukwan yomiŋ yomiŋ ani.

¹¹ Ji kurak togi mini pisi aŋ kimotni. Butjikon Telagi Wup da kindap da yaŋ soŋek paŋtagap aban Amin Tagi dakon pi aŋ kimotni.

¹² Ji nandan teban taneŋ Amin Tagi da yo tagisi aŋ damjak do jomjom aŋ, do kisik kisik anek egipni. Ae jigi noman taŋ daba kaŋ, butji yawori taŋakwa tebaisi atni. Bisapmi bisapmi bisit aŋ kimotni.

¹³ Piŋkop dakon miŋat aminyo yo do wadak wadak aba kaŋ paŋpulugoni. Ae amin kokup ŋwakŋwarikon da apba kilani anek paŋpulugoni.

¹⁴ Amin da yokwi aŋdamni kaŋ, Piŋkop da yo tagisi anyomjak do bisit iyini. Paŋupbal asak do bisit dima iyini.

¹⁵ Ji kisik kisik aŋ amin gat kisik kisik ani, ae kunam takgaŋ amin gat kunam tatni.

¹⁶ Ji kalon kalon but kalonon da egipni. Disi do nandaba dima wigisak. Anek amin piŋbi ekwan gat egip do dima kurak toni. Ji man pawigik dima ani.

¹⁷ Amin da yokwi aŋ daba kaŋ, kobogi do yokwi dima aŋ yomni. Miŋat aminyo da dabilon ji anpak tagisi baŋgin anakwa dandani.

¹⁸ Ji gat but kalon egip do nandan kaŋ, amin morap kisi gat but kalonon da egip do pi madepsi ani.

¹⁹ Not kabino, amin da yokwi aŋ damni kaŋ, yokwi kobogi dima aŋ yomni. Piŋkop da butjap nandan yomjak do bikbik imni. Nido Piŋkop gen papiakon Amin Tagi da yaŋ yosok:

“Kobogî yomyom unun nak dakon pi.

Yo yokwi awit dakon kobogî nak da naga yomdisat.”

²⁰ Do ji kobogî dimasi yomni. Pin kop gen papia da yan yosok:

“Uwalgo jap do aban kan, jap ibi.

Ae pakbi do aban kan, pakbi ibi.

Yan abi kan, anpak yokwini do nandanek mayagi pakdisak.”

²¹ Ji yum kanakwa yokwi da dima pabin depjak. Anpak tagisi ban anek yokwi pabin yopni.

13

Nin gapman da yongamgwan egipnen

¹ Amin morap nin gapman dakon pi amin da yongamgwan egipnen, nido gapman kinda iyi dima noman tagit. Kisi morap Pin kop da panalon agit.

² Yan do, amin kinda gapman dakon pi amin dakon gen pabin yopmandak kan, unun amin Pin kop da amin manjinek pikon yopgut unun ban kwen wigik an yomisak. Yan ani amin kwen wigik awit dakon kobogî do yo yokwisi timitdan.

³ Nandani, gapman dakon pi amin unun amin kilegi ekwan unun panpasol ak do dima ekwan. Unun amin anpak yokwi an unun panpasol ak do ekwan. Do ji gapman do pasol pasol dima ak do nandan kan, anpak tagisi banjin anakwa gapman da manji pawgisak.

⁴ Gapman unun Pin kop dakon oman amin. Unun ji panpuluganba tagisi egipni do ekwan. Mani ji yokwi ani kan, sisi pasolni, nido emat agak siba

isal dima abidon. Uñun da amin yokwi aba Pin kop da japmi nandanek kobogi yom do nandisak amin uñun kobogi yom do ekwan.

⁵ Yan do, nin gapman da kobogi yokwi annimdisak uñun do pasalek geni guramitneñ. Ae uñun gin dima, butningwan da suñ kinda dima anek kilegisi ekwaman yansi nandanen do anek geni guramitneñ.

⁶ Mibili yan do ji gapman do takis yoman, nido gapman dakon pi amin uñun Pin kop dakon oman amini ekwan, ae uñun toktogisi pini ankimokgoñ.

⁷ Aminon goman morap agil uñun sopbi. Takis mibili mibili yopyopmi uñun yopni. Ae kila amin mibili mibili morap do gawak yominek man madep yomni.

Nin amin morap do but dasi galak tañ yomneñ

⁸ Jikon gomanji kinda di tañ daban. Gomanji kalonji kindagin tagit da tosok uñun ji da aripmi dima sopsopmi. Goman uñun amin do but dasi galak tañ yomni. Nido amin kinda amin do but dasi galak tañ yomisak uñun gen teban yol kimokdok.

⁹ Gen teban da yan yosok:

“Yumabi dima ani.

Amin dima dapba kimotni.

Kabo dima noni.

Ae pindak galaktok dima ani.”

On gen teban gat ae gen teban diwari toñ uñun gen teban kalonji kinda dagin kisi timikdok. Gen teban uñun yan:

“Gaga do but dasi nian galak tosol, unjudeŋ gin
amin do but dasi galak taŋ yobi.”

¹⁰ Amin kinda amin do but dasi galak taŋ yomisak
unjun amin amin do anpak yokwi dima anyomisak.
Yan do, amin kinda amin do but dasi galak taŋ
yomisak unjun gen teban yol kimokdok.

Nin anpak kilegisi ban aneŋ

¹¹ Ji yan anek egipni, nido on bisap ekwaman
unjun disi nandan. Abisok unjun dipminon da pidot
pidot bisap, nido Pin kop da nin abin timitdisak
dakon bisap kili unjun kwan toso. Kalip Yesu
nandan gadan imguman bisapmon unjun bisap
dubagikon tagit, mani abisok kili kapmat toso.

¹² Pili kili unjunjok mudokdisak, anakwan wisa
yo kisi kili unjunjok dagokdisak. Yan do, nin pili
tuk dakon anpak yokwi morap yopmanek tenjen
dakon yo ban pasik yan panen.

¹³ Nin amin da gildaron akwan unjudeŋ anpak
kilegisi ban anek egipnen. Nin jap pakbiyo madep
anek pakbi teban nanek but upbal anek dima
egipnen. Ae yumabi anpak mibili mibili gat, ae
anpak injani mibili mibili gat dima aneŋ. Ae gen
emat gat, ae pindak galaktok gat dima aneŋ.

¹⁴ Ji Amin Tagi Yesu Kristo imal nan yan pani. Ae
but kalip dakon galaktok yol do nandak nandak
dima ani.

14

Nin amin dakon anpak kokwin dima aneŋ

¹ Amin kinda nandan gadat asak, mani nandan

gadatni dima teban tagi kan, unuden amin kokwin dima anek but dasi abidoni. Mani unun gat anpak diwari agagi bo dima agagi unun do ji gen emat dima ani.

² Amin kinda unun nandan gadatni tebai, do jap morap kisi tagi nosok. Mani amin kinda unun nandan gadatni tebai dima, do bit kilapyo dima nosok.

³ Do jap morap kisi tagi nosok amin unun bit kilapyo dima nosok amin do nandaba yokwi tok dima asak. Ae bit kilapyo dima nosok amin da jap morap kisi nosok amin do yokwi asak yan dima nandisak. Nido Pin kop da unun aminyo kisi kili abidagit.

⁴ Gak namin da amin kinda dakon oman amini dakon anpakni kokwin asal? Pi tagi asak bo ae yokwi asak, unun amin tagini dagin yogogi. Mani unun tebai tagi atjak, nido Amin Tagini da iyi anteban anakwan tebaisi atjak.

⁵ Amin kinda gildat kinda do unun gildat telagisi yan nandanek unun gildat da gildat diwari yapmandak yan nandisak. Ae amin kinda da gildat morap kisi arip gin yan nandisak. Amin kalon kalon unun butnikon da ni nandak nandak nan abidosok unun tebai abidanek atjak.

⁶ Amin kinda gildat kinda nan tilak anek unun gildaron Pin kop gawak imisak kan, unun Amin Tagi do nandanek asak. Ae jap morap kisi nosok amin, unun Amin Tagi do nandanek nosok, nido Pin kop ya yan iyinek nosok. Ae bit kilapyo dima nosok amin, unun Amin Tagi do nandanek Pin kop ya yan

iyiñek nosok.

⁷ Nandani. Ninon amin kinda iyi dogin dima egisak, ae kimot ak do iyi dogin dima kimokdok.

⁸ Nin kalugi ekwaman kan, Amin Tagi man madep im do ekwaman. Ae nin kimotneñ kan, Amin Tagi man madep im do kimotdaman. Do kalugi egipneñ bo kimotneñ, nin Amin Tagi dakon gin.

⁹ Kristo unun amin kimakbi ae kalugi ekwan unun kisi dakon Amin Tagini egip do anek kimagkit da ae pidagit.

¹⁰ Do gak nido notgo dakon anpak kokwin asal? Ae nido nandaba yokwi tok an imisal? Nandani. Nin kisi morap Piñkop da gen pikon atdaman.

¹¹ Unun do Piñkop gen papia da yan yosok: “Nak Amin Tagi da bamisisi yosot, amin kisi morap da ñwakbeñ annamdan. Anek kisi morap da nak do Piñkop bamisi yan yokdan.”

¹² Do nin kisi kalon kalon anpak morap agiman dakon mibili Piñkop iyikdaman.

Nin notnin yokwikon moni do pi dima aneñ

¹³ Yan do, nin notnin dakon anpak kokwin dima an an aneñ. Nin nandak nandak tagisi ban panek notnin kinda yokwikon mosak dakon pi dimasi aneñ.

¹⁴ Amin Tagi Yesu da nandak nandakno aban pisanakwan yan si nandako pisosok, jap kinda nono Piñkop da nandaban yokwi tosak unun dima toso. Mani amin kinda jap kinda dima noknogi yan

nandisak kaŋ, dimasi nosak, nido jap unun do iyi dima noknogi yaŋ nandisak.

¹⁵ Notgo da jap kinda dima noknogi yaŋ nandisak, unun gak da nanek butni anupbal asal kaŋ, gak notgo do but dasi dima galak taŋ imisal. Kristo unun notgo do kimakgit, do japmon da butni dima anupbal abi.

¹⁶ Gak anpak kinda do tagisi agagi yaŋ nandisal kaŋ, kaŋ kimokgi. Unun anpak do anek notgo anupbal abi amin da anpak unun do anpak yokwi yaŋ di yaŋbam.

¹⁷ Nandani, Pin kop dakon Amin Kila Agakni unun jap pakbiyokon dima tosok. Amin Kila Agakni unun anpak kilegi, ae but yawot, ae Telagi Wup da kisik kisik paŋalon animisak unudon tosok.

¹⁸ Amin kinda unun anpak yolek Kristo dakon pi asak, unun Pin kop da kaŋban tagisi anjakwan amin da nandaba wukwan imdan.

¹⁹ Yaŋdo, nin anpak but kalon paŋalon asak, ae anpak notnin tagi paŋteban agagi unun ban yolek an kimotnej.

²⁰ Jap dogin anek Pin kop da aminon pi tagisi asak unun dima anupbal ani. Jap morap kisi noknogi gin, mani gak da jap kinda nanaki unun do anek notgo dakon nandan gadatni wital kisak kaŋ, gak yokwi asal.

²¹ Gak bit kilapyo bo wain noki, bo ae yo diwari gat anapbo notno mosak yaŋ nandisal kaŋ, unun anpak dima abi.

²² Nandan gadat anek unun yo morap do nian

nandisal unun Pinjkop gat jil dakon yo. Amin kinda yo kinda do tagisi nandanjek burikon da nak yokwi dima asat yan nandisak amin kisik kisik tagi asak.

²³ Mani amin kinda but bamot anek jap kinda nosak kan, unun gulusun asak, nido nandan gadaron da dima nosok. Nandan gadatninon da anpak morap amin da dima agagi yan nandanjek aman, unun yokwi aman.

15

Nin Kristo yol kimotnej

¹ Nandan gadatnin tebai amin nin da nandan gadatni dima teban tanbi amin panpulugonej. Nin nin do gin nandanjek kisik kisik pak do dima nandanjan.

² Nin notnin panpulugono kisik kisik panjek nandan gadatni teban toni do pi anej.

³ Nido Kristo yo kisi iyi kisik kisik pak do dima nandagit. Pinjkop gen papia da unun do yan yosok: “Pinjkop, gak do yanba yokwi tok awit unun gen da nak yo kisi abidosok.”

⁴ Gen morap kalip Pinjkop gen papiakon mandabi unun da nin niyindetjak do mandawit. Gen unun da butnin panjeban anjakwan tebaisi agek Pinjkop da abin timitjak unun do jomjom anek egipnej.

⁵ Pinjkop da nin dima alek tonej do tapmim niminek butnin panjeban asak. Unun da ji panpuluganban Yesu Kristo yol kimagek but kalonji egipni dosi nandisat.

⁶ Anek ji Amin Taginin Yesu Kristo dakon Piŋkopni ae Datni unun but kalonj ae gen kalonjon da mani anġisini do nandanek bisit asat.

Kristo da Juda amin gat ae Amin Nwaktari Kabi gat kisi paŋpulugagit

⁷ Kristo da but dasi nandanek ji timikgit, do jiyo yaŋ gin notji but dasi timik timik ani. Yaŋ anek Piŋkop man madep imni.

⁸ Ji yaŋ ani, nido nak yaŋ dayisat, Kristo unun Juda amin dakon oman amini dagagit. Anek Piŋkop unun gen bami yogok amin yaŋ yolik do anek babakni do yaŋ teban tok an yomgut unun aripmisi agit.

⁹ Yaŋ anek Amin Nwaktari Kabi da Piŋkop dakon bupmini do nandanek mani anġisini do nandagit. Piŋkop gen papia da unun do yaŋ yosok: “Yaŋdo, nak Amin Nwaktari Kabikon mango yaŋ anġisikenj.

Anek gak dakon man awigik do kap yokenj.”

¹⁰ Ae Piŋkop gen kinda da yaŋ yosok:

“Amin Nwaktari Kabi ji Piŋkop dakon amin kabi gat but galaksi nandanek kisik kisik ani.”

¹¹ Ae timi kindakon yaŋ yosok:

“Amin Nwaktari Kabi ji Amin Tagi anġisini.

Miŋat amin morapyo miktimi miktimi ekwan ji mani anġisini.”

¹² Ae Aisaia yo kisi da yaŋ yagit:

“Jesi da kabikon da gugġ kinda wikdisak.

Unun da miŋat aminyo miktimi miktimi ekwan kilani akdisak.

15:7: Ro 14.1

15:8: Mt 15.24

15:9: Kap 18.49; Ya 3.25

15:10: GT 32.43

15:11: Kap 117.1

15:12: Ais 11.10; PA 5.5

Amin Nwakwari Kabi da unun amin da panpulugosak do nandan teban tanek jomjom anek egipdan.”

¹³ Yo tagisi timitneji do jomjom aman unun Pinokop da unun nim do yan teban tok agit. Egip egipji unudon tosok yansi nandan iminakwa unun da kisik kisik ae but yawot daban butjikon tugosak, ae Telagi Wup da tapmimon yo tagisi dam do yan teban tok agit unun timidaman yansi nandan dosi nandisat.

Pol da iyi pi agit unun do yagit, ae Rom amin do gildatni tagi yomgut
(Kilapmi 15.14-16.27)

Pol da iyi pi agit do but galaksi nandagit

¹⁴ Not kabino, ji bisapmi bisapmi anpak tagisi bangin an yansi nandan damisat. Ae nandak nandak aripmi timikgwit, do notji yoyindet tagi an an ani.

¹⁵ Mani nak butji pabo pisanakwa gen diwari aesi nandani do gen diwari tebaisi ban mandan damisat. Nido Pinokop da nandan yawok naminek

¹⁶ nak Yesu Kristo dakon pi amini egek Amin Nwakwari Kabikon pi aben do nak manjigit. Nak unun pi anek Pinokop dakon Gen Bin Tagisi yan tenjenok anek mukwa sogok amin kinda da yan egisat. Egek nak Amin Nwakwari Kabi ban Pinokop da paret si galak tosok yombem kinda nan Pinokop do imisat. Iminapbo Telagi Wup da pantelak asak.

¹⁷ Yan do, nak Yesu Kristokon gadako Pinokop dakon pi agimak unun do butgalaksi nandisat.

¹⁸ Nak yo kında do dıma yokdisat. Kristo da tapmım namınakwan Amın Nwaktıwari Kabikon pi anapbo but tobil anek Pinkop gen guramıkgwit unun dogın yoken. Nak gen yagım ae pi agım,

¹⁹ ae Telagi Wup da tapmımon wasok tapmımı ton mibili mibili agım. Yan anapbo pındagek but tobil awit. Nak Jerusalem da wasanek Kristo dakon Gen Bin Tagisi dakon gen morap yan tenjenanapbo Ilirikum Provinskon kigit.

²⁰ Nak Kristo dakon man dıma nandan amın kabikon Gen Bin Tagisi yan tenjenok aben dosi nandagım da nandan egısat. Nak amın da gwak kili mawiron yut ak do dıma galak tosot.

²¹ Pinkop gen papia da yosok unuden akdosi nandısat. Unun yan yosok:

“Amın gen bini dıma yoyıwıt amın da unun kokdan, ae gen bini dıma nandawıt amın da nandan pisokdan.”

²² Pi unun da bısap morapmı nak abısınakwan ji abın dandaken dakon bısap mını.

Pol da Rom amın pındagek Spen kık do nandagıt

²³ Mani idon amın da Kristo dakon gen bin kili nandawıt, do nak idon pino mını, ae bılak morapmı nak ji dandak do si nandagım da nandısat.

²⁴ Yando, nak Spen miktımon kiken bısapmon obın ji dandanek don kiken dosi nandısat. Nak ji gat bısap pisıpmısok egıpnen unun da kısık kısık namınakwan unun da kwenon anpuluganba Spen kiken do galak tosot.

25 Mani abisok nak Jerusalem kinjek telagi panmuwukbi kabi panpulugoken.

26 Panmuwukbi Masadonia ae Akaia provins bamoron ekwan unun da Jerusalem telagi panmuwukbi kabikon wadak wadak amin ekwan unun panpulugok do tagisi nandanek monen panmuwukgwit.

27 Unun ak do tagisi nandawit, nido gomani Juda aminon tosok unun sopsopmi. Juda amin da Amin Nwaknwarri Kabikon Pin kop dakon yo tagisi anabin yomgwit, do Amin Nwaknwarri Kabi da Juda amin do giptim dakon yo tagisi di panpulugoni kan tagisi.

28 Nak Jerusalem amin do monen yomyom pi abo daganakwan Spen kik do obinek ji dandaken.

29 Ae nak nandisat, jikon opben bisapmon Kristo dakon gisamni nagon madepsi tungan naban unun da ji tagisi panpulugokdisak.

30 Not kabi, Amin Tagi Yesu Kristo do nandanek, ae Telagi Wup da amin do but dasi galak tan yomyom anpak panalon asak, unun do kisi nandanek nagon sanbenba Pin kop do bisit an kimotnensi.

31 Bisit aba Judia miktimon nandan gadat dima an amin da nak dima abidoni. Ae bisit aba telagi panmuwukbi Jerusalem ekwan unun da nak da panpulugok do pi asat unun do galagisi nandani.

32 Yan kan Pin kop da galak tosagon nak kisik kisigon da jikon opbo kisin da tapmim panen.

33 Pin kop dakon but yawotni ji kisikon tosak do bisit asat. Unun asi.

15:25: 1Ko 16.1-4

15:26: Ya 24.17; 1Ko 16.1; 2Ko 8.1; 9.2,12

15:27: 1Ko 9.11

15:29: Ro 1.11

15:30: 2Ko 1.11; Kol 4.3;

2Tes 3.1

16

Pol da miñat amin morapmi do gildatni tagi yomgut

¹ Nak nandan gadat miñat saminin Pibi dakon mibili do dayikdisat. Uñun miñat tagisi kindi, pañmuwukbi Senkria kokupmon ekwan uñun dakon oman miñatni egisak.

² Uñun da miñat aminyo morapmi gat ae nak gat kisi pañpulugagit, ae uñun Amin Tagi dakon miñat kindi, do but dasi abidoni. Uñun anpak da telagi pañmuwukbi dakon anpaksi asak. Ae yo nido wadak wadak asak uñun anpulugoni.

³ Gildatno tagi Prisila gat Akwila gat do yomni. Uñun pi isalno Yesu Kristo dakon pi kalonji aman.

⁴ Uñun nak kutnok do anek pali kimakgimal. Do nak gin dima, Amin Nwakñwari Kabi dakon pañmuwukbi morap kisi da uñun bamot do but galak nandanek ya yan yoman.

⁵ Gildatno tagi pañmuwukbi uñun bamot da yutnon muwukan uñun do yomni.

Gildatno tagi notnosi Epenetus do imni. Uñun da mibiltok Esia Provinskon Kristo do nandan gadan imgut.

⁶ Gildatno tagi Maria do imni. Uñun da ji pañpulugok do pi madepsi morapmi agit.

⁷ Gildatno tagi Andronikus gat ae Junias gat do yomni. Uñun bamot nak dakon diwatno, nak gat kisi dam tebanon egipguman. Uñun yabekbi kabikon man madepni ton. Uñun da mibiltok Kristo nandan gadan imgumal, anakwal nak don nandan gadat agim.

⁸ Gildatno tagi Ampliatus do imni. Uņun Amin Tagi dakon amin kindā, do nak but dasi galak taņ imisat.

⁹ Gildatno tagi Ubanus do imni. Uņun pi isalno Kristo dakon pi kalonji amak. Ae notnosi Stakis kisi do gildatno tagi imni.

¹⁰ Gildatno tagi Apeles do imni. Uņun Kristo yolyol aminsi kindā yaņ kawit.

Gildatno tagi Aristobulus da yutnon ekwaņ amin do yomni.

¹¹ Gildatno tagi Erodion do imni. Uņun nak dakon diwatno kindā.

Gildatno tagi Nasisus dakon diwatni Amin Tagi da kabikon ekwaņ uņun do yomni.

¹² Gildatno tagi Tipina gat ae Tiposa gat do yomni. Uņun miņat bamot Amin Tagi dakon pi madepsi amal.

Gildatno tagi notnosi Pesis do imni. Uņun miņatyo kisi da Amin Tagi dakon pi madepsi agit.

¹³ Gildatno tagi Rupas do imni. Uņun Amin Tagi yol kimokdok. Ae gildatno tagi meņi do kisi imni. Uņun nak dakon meņno kisi egipgut.

¹⁴ Gildatno tagi Asinkritus, ae Pegon, ae Emes, ae Patobas, ae Emas gat, ae nandaņ gadat amin diwari uņun gat ekwaņ uņun do yomni.

¹⁵ Gildatno tagi Pilologus gat, Julia gat, ae Nerus gat sami gat, ae Olimpas gat ae telagi paņmuwukbi morap uņun gat ekwaņ uņun do yomni.

¹⁶ Ji paņmuwukbi diwari do but dasi galak taņ yomaņ yaņ yolikdo, kisitni iligek si bedoni.

Kristo dakon paņmuwukbi morap da gildatni tagi yipba jikon obisak.

Amin diwari da panmuwukbi tuwil do pi an

¹⁷ Not kabi, amin diwari da ji da gen abidawit unun abin yipmanek jikon pidok pidok ae jigiyu panalon an. Unun amin do kan kimotni do tebaisi dayisat. Ji unun da dubagikon egipni.

¹⁸ Unun amin Amin Taginin Kristo dakon pi ban dima an. Unun giptim dakon galaktok banjin yolgan. Unun nandan kokwini mini amin panjalak aba gen toptopmi do nandan gadat an.

¹⁹ Ji Pinjok dakon gen guramik kimokgon dakon geni amin kisi da kili nandawit, do nak ji do but galaksi nandisat. Mani nandan kokwin tagisi anek anpak tagisi banjin timigek anpak yokwi dakon nandak nandak jikon kinda dima tosak do nandisat.

²⁰ Kili ununjok Pinjok but yawot nimisak unun da Sunduk kandap gibaninon yipban bamono suligikdisak.

Amin Taginin Yesu dakon nandan yawotni jikon tosak do bisit asat.

Amin diwari da gildatni tagi Rom amin do yopgwit

²¹ Pi isalno Timoti da gildatni tagi damisak. Ae nak dakon diwatno Lusias, ae Jeson, ae Sosipata ununyo kisi da gildatni tagi daman.

²² Nak Tetius, Pol dakon gen abidanek papia on mandisat. Amin Tagi da manon gildat tagi yan dayisat.

²³⁻²⁴ Gaius da gildatni tagi damisak. Uñun da nak gat ae pañmuwukbi morap gat kisi yutnikon kilanin tagisi asak.

Erastas uñun kokup pap dakon monen kila amini, ae notnin Kwatas da gildatni tagi ji do damamal.

Nin Piñkop dakon man anjksin kimotnenj

²⁵ Piñkop da nak da Yesu Kristo dakon Gen Bin Tagisi dayisat uñun gen nan ji dakon nandan gadatji tagi panjeban asak. Gen Bin Tagisi uñun kalipsigwan pasili tan an an opgut.

²⁶ Mani abisok Piñkop da nomansi panjenteñ asak. Kalipsigwan Piñkop egip egip teban egisak uñun da kombi amin yoyinban geni mandawit. Nin minjat amin morapyo miktimi miktimi ekwan uñun da nandan gadan iminek geni guramitni do anek uñun gen ban dayamanj.

²⁷ Uñun Piñkop kalon gin nandan kokwini tagisi. Yesu Kristo obakon da nin do yo tagisi agit, uñun do nandanek nin Piñkop dakon man toktogisi anjksin kimotnenj! Uñun asi.

PIN^KOP GEN
The New Testament and Psalms in the Yopno Language
of Papua New Guinea
Nupela Testamen na Buk Song long tokples Yopno long
Niugini

copyright © 2010 Wycliffe Bible Translators, Inc.

Language: Yopno

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-01-09

PDF generated using Haiola and XeLaTeX on 28 Dec 2024 from source files dated 31 Aug 2023

b683ce50-d820-5bfc-8471-d8ee080be106